



柳田文庫
文庫11
D 85
7



文庫11
D 85
7

知田泉文庫

010190555378
48-12134



清谷居士集卷第十五

元 袁 梅 撰

開平第一集 甲寅

延祐改元五月三日分院十五日始達開平得詩數

篇錄示兒曹

居庸關

太行領羣山萬馬高下拜平巒轉城隍隱隱南北界危坡
互交牙寒溜瀉泮泮陰風元虬湧巨石忽崩壞周遭青松
根下有古木砦石皮散青銅云是舊戰鎧天險不足憑歷
劫有成敗驅車上林杪出日浴光怪肅肅空巖秋天風迅
行邁

清谷集卷十五

宜稼堂叢書

雨中度南口

山寒絕禽鳥獨聞子規啼石壁飛雨驟眾木搖淒淒瘦馬
蹴亂石高下齧其蹄陟巘沮泐深漸覺所歷低暝色起亭
午土屋流寒泥須臾過雷聲倏忽生晴霓水清亦可渡戒
僕踰前溪

重午日宿南口小店

寒雨鳴石峽蕭蕭五月秋道逢采藥人不識葵與榴氣清
諧令節暑溽想南州涼颼木末來動色思重裘猶持一卮
酒慰彼湘纍愁

桑乾嶺

漠漠清都近天梯爾許長青帘矗山影烏帽拂雲光行客

穿珠曲居人綴蜜房端窮萬里目那惜九迴腸

渡懷來沙磧

沙清圓石瘳千里聞風聲驅此殼棘車索索莎雞鳴遠山
列翠席近坡環碧城高下各有險轍迹那由平驚兔導我
前歷錄爲之驚天低雲搖蕩土曠塵縱橫謬膺翰墨選遠
行有期程迴頭望南坂初月隨風生

草地

帶水殘沙似暗潮平坡軟草綠迢迢不須迴首更南望下
馬同兒摘地椒

龍門

瀚海雙龍鐵鱗甲捲壑擎雲蹲冀闕千泉百道湊東南急

雨翻空逆晴雪古言神禹功最多導山鑿石疏九河幽都
之地不復顧迺使雙龍下地成盤渦陰風何颼颼磅礴太
古秋崩崖落車礮怪木森戈矛碎沙晴日鋪金麩云是昔
日當關挽勁之僕姑寒泉組練結九曲亭午赫日光模糊
車聲何磷磷昨宵急水迷無津垂堂之言猶在耳游子商
人行不已子規徹天呼我歸翠華北幸那得辭龍門之石
高不磨泚筆書我龍門歌

彈琴峽

在居庸

寒泉飛玉峽誰彈使成聲下有戰士骨嗚咽水中鳴絲石
本異調摩戛生虧成鑿跡匪神禹佳兵構秦嬴駐馬爲聽
之逝者何不平虛牝納新雨急促濁復清重華初省方百

神靜相迎爲作薰風弦散彼巖下情

雲州

天闊雲中郡剛風起沈寥瓊房聯澗曲土屋覆山椒
檜布朝朝市通薪戶戶燒遙看塵起處淡羨霍嫖姚

次韻虞伯生題祝丹陽道士摹九歌圖

玉眸精佇朝玉皇五采萬物迎初陽神鈞空洞光茫茫
瑤席合奏樂未央沈幾經綸白爲章膚寸帝青下填阮朝挾
朱鳥招八方旋轉風輪盪金剛君山之峯隴可望玉女鼓
瑟哀不傷世職元籍元運昌靈壽給扶顏色蒼賜齡金篋
難度量仲氏之道誰爲長淡根抱一真有常下憫濁世生
復亾浴精昧谷噉扶桑寥陽昭德森九苾亘劫永寶天地

光安流舒舒復湯湯儼思白壁謝汝將歷險有戒毋垂堂
乘狸從豹何陸梁菰蒲粒粒茲管張積變不化游益荒屈
子調苦心忠良歌罷雲過投靈湘簫巫鼓胥紛莫詳嚴嚴
祝冊遺鉛黃握管用九神歸藏出入森衛視錦囊

伏日書懷二首

伏日急雨來端坐披重裘中天異寒暑茲維帝王州碧草
記初夏堅冰在餘溝野曠無畱禽積潦不復收飛雲屢晴
陰蒼莽天宇秋營營壁間蠅就暖旬日謀元冥自成歲高
下各有求悵彼南飛雁素心愧難酬
晨起萬竈煙墨雲何輪困念昔種松者用志良苦辛寒沙
草漫漫萬騎來無津樹之似雲柵積雪迷秋春大車棟復

楹小車樞與薪空餘千歲脂成此官路塵我衣素脩絜整
汗不敢嗔俛焉拾餘煤作書記其因

題李士宏學士畫明復齋風竹

虛聲出素壁泠泠天地秋矧此三伏涼居然索重裘盪摩
神光旋戛擊元露浮浩蕩白玉京頃刻瀟湘洲昂昂員嶠
仙筆底寒飈颯高齋襲道氣淡根澹無求

慈雲堂

周南翁
祖母

萬竹鳳岡下虛堂聳翠微隔林聽返哺前嶺望孤飛山立
斑斕服牛眠錦繡圍諸孫有遺範致樂報春暉南翁近築
致樂堂奉
母

送濯伯玉之官雲南

蕩蕩哀牢國耕桑換不毛皮船乘驛穩銅鼓報衙高事簡
歸王化民淳汰吏曹端知清淨理山水縱遊遨

次韻玉堂畫壁

至人悟窮達斂迹寓壟畝良苗貴淡扶掘土戒蒿莠靄靄
新陽浮高下接紫宙跨犢東南行問事一俛首新雨瀉溝
塍交流媚川后輟耕非素心帝命資左右相彼前山雲倏
速復還岫卷舒樂槃澗署壁寫其舊清秋映空谷風雨百
神守夙昔經濟姿志不在杯酒要使風俗淳斯民樂仁壽

秋谷耕雲

明月入水底摩盪空江雪昂昂垂綸翁在雪不在月悟彼
元化理不寐坐明發我舟非無槩我車詎無軌迂儒守繩

樞世胄貫華閥願以千尺竿裁為濟川筏寒江釣雪

再次韻

粵商有阿衡肥遯樂畎畝深耕力其勤嘉穀寧有莠時來
起丘園勳業冠宇宙持此金石心龜勉佐元首維敬在一
德維訓守先后高風邈難追白雲在前岫堂堂匡濟功匪
以夙昔舊譬彼執御人先道謹為右精忠百壬避正色九
關守我昔夢見之再拜酌卮酒空谷秋思淡圖之奉千壽
維昔師尚父垂老鬚眉雪突兀江海姿韜精忌歲月坐石
投其竿祕籥時一發載車與之歸在德不在軌念昔經濟
人事定始功閱寒江眇風濤乘桴可如筏

上都客舍士宏為作風竹

門巷泥深笑獨清此君蕭灑未忘情無端昨夜風花急卻
送秋聲作雨聲

金主畫孟浩然騎驢圖

生前明主已遭嗔身後君王爲寫真家國總緣詩句廢灞
陵猶勝蔡州塵

木葉山前雪似銀軟裘難作自由身想應晚歲朝陵後故
寫騎驢處士真

北闕明言不上書蹇驢何自入西都開元天子元無分畱
與他生作畫圖

李陵臺

矢盡穹空計未疎囊封朝奏似憐渠漢家天子春秋責從

此降臣直筆書

雪袞寒沙風袞灰眼穿猶上望鄉臺隴西可是無迴雁不
寄平安一字來

上都楊節婦

吹徹玉參差孤鸞天外飛匣藏身後劔篋寶嫁時衣壽樂
龐眉聳心清鶴骨肥諸郎新玉立孝謹報春暉

開平第二集 已未

登候臺

蜿蜒西龍岡綠草搖晴波旁有雙玉井石角增差峩
良佐神運目力窮坡陀層垣睥睨雄寶構通義娥昂昂鐵竿
聳飛鳥光盪摩土屋粘蜜房文甃圍錦窠緬思皇猷遠默

止松林戈匪以清暑游跋履勞鳴珂陰森晚色晦寒沙聚
羣駝悲笳月初上戴斗瞻天河

次韻伯宗同行至上都

游塵捲飛蓬積水翻驚波羣山擁雙闕勇勢凌岷峩藉草
各小憩側身復登陀纖峯脩眉聳佇立愁湘娥仰視北斗
光煜煜疑肩摩田父指我言昔日撥鵬窠吾皇罷畢弋射
生久投戈二客何舒遲直可鳴朝珂銀罌傳綠蟻翠釜登
紫駝出處愧我異愛君筆懸河

再次韻答李彥方應奉

良會難具陳歲月流頽波念昔邂逅初黑髮雲冠峩羣公
擅碑板雄文記頭陀于時接英武奉身如素娥粲粲白玉
署墨沼爭漸摩所思筆成塚不計印積窠君時皎冰雪正
色羞倒戈習隱吏金馬弔古師銅駝瞬息已廿載愧彼柔
乾河

伯宗再次韻復敘舊

玉署日倒影綺窗水迴波堂前雙琪樹暑清綠雲峩君時
坐其下涼漪起陂陁悲商激湘纍急羽凌韓娥執簡諒且
直惜日勤編摩盛世昭休明卑枝鳥爭窠掀髯紀其瑞刻
佞侔鉛戈占風念靈烏聽水悲老駝俯仰各努力解珮投
于河

伯宗遊華嚴寺次韻二首

平蕪寒磧際突兀梵宮尊白石開金地青蓮擁紺園城低

千嶂擁塔靜一鈴喧夙昔莊嚴果無言急掩軒
欲問生公法年淡不上堂斷雲成密樹溪柳當疎篁十地
三乘要諸天百和香元機吾素解何日勘禪房

上京雜詠

雲護中街日風開北戶天千溝凝白雪萬竈起青煙午溽
曾持扇朝寒卻衣綿松林空有界翦伐不知年
土屋層層綠沙坡簇簇黃馬鳴知雹急雁過識天涼墨菊
清秋色金蓮細雨香內園通閬苑千樹壓羣芳
天闕虛無裏城低納遠山白榆迷雁塞青草補龍灣市簇
家家近官清日日閒重游溪問俗漸恨鬢毛斑
舊歲寒冬惡霏霏土雨迷門荒懸馬革草淨絕牛蹄列帳

煙光慘空營月色低縣官捐粟帛歲晚得扶攜

上國饒爲客天涼眼倍青白魚沙際網黃鼠草間翎芍藥
圍紅斗摩姑綴玉釘漸知塵骨換振佩接青冥

天錫清涼國晴霞綻雪峯月低疑墮兔雲近得攀龍寶鑑
頒冰撤筠籠賜果封白頭貂帽客爲我話淡冬

馳鼓村村應傳更趣進程草肥涼露白樹薄曉風清帳殿
橫金屋氈房簇錦城屬車流水度細點侍臣名

伏日瓊林宴名王總內朝帽尖花壓翠衣角錦團貂炙熟
牛酥苳醅淡馬乳澆柘枝旋舞急宛轉稱纖腰

市狹難馳馬泥淡易沒車凍蠅爭日聚新燕掠風斜晚汲
喧沙井晨炊斷木槎閭閻通茗酪俗簡未全奢

長夏崇真館疎簾灑靜便支頤推萬古止息契重元月窟
窗如雪天瓢酒似泉主人憐老客下榻不曾懸

再次韻

帝京環陸海平野接冰天龍吐青林火狼沈紫塞煙風花
秋黯淡雲葉雨連綿昔日君臣意淡符卜洛年
寶閣凌空涌金壺映日黃梵音通朔漠法曲廣伊涼御榻
惟經帙宮爐獨篆香吾皇清淨德銀管願垂芳
高下雲中樹疎明雪外山坡凹茅結屋嶺轉水回灣禁路
分馳道沙場當內閑通明風露冷時許侍清班
晨起儀臺立煙青望眼迷草低鷹側目車逼馬迴蹄風勁
弓弦直泥融柱礎低蚊蠅淡斂跡塵尾不須攜

紫極中天正森森接帝青雁歸傳帛信雉落舞紅翎寶所
金千頃朱門帶萬釘瀛洲清淺處高坐納空冥

昔年曾扈蹕宿直對鼇峯錦掣蘭苕翠波翻墨沼龍起居
青簡注除拜紫泥封共說先皇日千官總住冬

土驛高低置蒼茫七日程馬通分熠耀牛酪注淡清殘雪
明珠闕繁星列火城前山黃白處草藥不知名

千堞蜂腰凸羣山馬首朝沙場調俊鶻草窟射豐貂鬧舞
花頻簇狂歌酒恣澆今年春事減土舍雪齊腰

箭浴驚遊騎鈴傳督運車土風殊楚越驛道做袞斜細雨
三更枕清秋八月槎夜聽繁管急漸習五陵奢

長齋孤館靜捧腹睡便便酒斷眸凝碧塵淡髻返元凍蜂

粘暖草乳燕啄冰泉過翼時頻數鄉心日夜懸

李陵臺次韻李彥方應奉

前坡聳頽基云是望鄉臺往事已歷歷亂石何嵬嵬想此
二子別袂結不能開河梁白日速朔風袞沙堆漢法重失
律輕生表奇才一跌不得返歛歔壯心摧形影胡越分骨
肉參商乖萬事已瓦解誰能寫余哀昂昂司馬生義色興
壯懷子卿固偉節屬國何低徊褒功實譏淺議刑良刻哉
坐令衛律輩歲望邊城來

次韻李齊卿呈閒閒嗣師

清都逼紫微瑤光流玉壇陰厓太古雪伏日生午寒澄懷
集遐思黑髮竹皮冠元關轉輕雷銀潢激層瀾取彼白石

詞寄以朱絲彈一彈去日短再彈行路難兩曜疾飛隼歸
雲生樹端遠游感夙昔努力慎風餐

西京李齊卿讀所贈吳公詩愛之遂次其韻

溫溫紫玉姿陽休升觚壇維時夜氣肅璇璣動苾寒辟公
閱多士謂宜多元冠環水會文海俾爾揚清瀾東南有高
樓繁吹和急彈我獨念子意希聲世知難遺情寄寥廓冥
雁渺雲端去住靡所止精思勿忌餐

伏日

伏日陰陰九月天雲邊桂露十分鮮侍臣已入清涼境不
到凌虛未是仙

偷桃曼倩語言尖伏日歸來割肉廉那似蓬萊風露冷重

裴端坐絕趨炎

松林行

陰陰松林八百里昔日相傳爲界址元雲捲甲天馬來雪
兔霜狐先委靡山前犬牙十六州石郎屈膝輕相投淺沙
圓石古轍迹草青草枯無盡愁拂天鎮南北萬井燃
松煙似墨大車龍角全小車輪困束矛戟松花落子
復抽不如昔日當道稠採薪之人不辭出郭十里爭
相酬君不聞雪山之西銅柱南混同鴨綠成東漸金山橐
駝爭貢寶翦取平林作馳道

採摩姑

官山摩姑天下無迸石菌蠶攢寶珠阿香執御雲中驅天

瓢急注爭葩藪玉京高門散金鋪剩欲點綴完無膚萬釘
寶帶山澤癭圓如佛螺綴頭顱累如秬黍連二稔羶根未
許相模糊蚪泉石鼎鳴笙竽急投小烹養甘腴上池三咽
生醜醜五芝高著神農書吾欲比之議匪迂天花代北嚴
貢輸永言定論兄弟俱

尙尊賜張上卿薛元卿賦詩次韻

龜眸鶴骨煉純陽言合靈著行有常黼坐近瞻堯日月屬
車遠度漢封疆英雲玉佩開仙府湛露瓊卮出尙方可怪
相如多病渴願分金掌接恩光

再次韻

居庸曉次日初陽肅肅龍旂出奉常獸殿頻趨恩有秩鵲

清客集卷十五
爐煖祝壽無疆冰壺酒滑通真一雲閣香清接上方靜夜
屢陪談塵樂燈搖寒燼目搖光

復成二篇

羞逐羣芳度豔陽丰神宏景筆元常氣雄轉旆攻秦壁色
正登壇復魯疆易玩天皇遊太古書看王會補殊方平生
物論淡涇渭寶鑑懸空背透光

孤鳳清聲出嶧陽冲天采羽越尋常清心侍帝真醫國東
髮從師屢出疆明月乘鸞通碧落空江瘞鶴憶朱方詩囊
取次傾珠琲一一清圓敵夜光

西京任庭瑞樂善齋

大鈞妙無心變化各有職元陽執樞紐羣動遂生息達人

洞顯幽語默絕窺測尸居碧窗曉觀萬養真寂春葩陽林
秀眾采紛蕤蕤上有黃鸝鳴下有游鹿跡嗒然遺世情至
道在几席芝眉紫綸巾舉酒起玉色桐孫護清風竹母引
白石素心絕榮侈天爵負有得敦龐古遺民過里車已式
願言表其閭庶以昭帝則

白雲閒齋

武當靈峯通廓寥下有白雲護山腰朝入寢扉結翠被暮
宿丹井騰金瓢神君握機不盈寸頃刻倒影旌幢飄道人
夙昔慣所見更上岩龕扶斗杓

送金華王生

不到金華洞于今二紀餘偶逢騎鶴客爲覓牧羊書芸笈

清客集卷一五
秋消蠹萱堂暮饌魚江湖易衰感暫且問樵漁

建昌李生城南別墅

雲樹黑微茫依稀見竹房山空遼鶴化市近海鷗藏逸興
王官谷幽禪華子岡展圖塵眼眯剩欲濯滄浪

開平第三集 辛酉

至治元年二月庚戌至京城壬子入禮闈考進士三
月甲戌朔入集賢院供職四月甲子扈蹕開平與東
平王繼學待制陳景仁都事同行不任鞍馬八日始
達留開平一百有五日繼學同邸八月甲寅還大都
得詩凡六十二首道塗良勞心思彫落姑錄以記出
處耳是歲八月袁桷序

次韻繼學途中竹枝詞

居庸夾山僧屋多鑿石化作金彌陀但看行車度流水不
見舉拂談懸河

紅袍旋風漾金泥車前把酒長跪齊忽聽琵琶相思曲迎
郎北來背面啼

甌房錦幄花簇勻酖凝疊餅生玉塵晚傳宮壺檀板急酒
轉一巡先吐茵

土屋苦草成屠麻前牀翁媪後小姑我郎南來得小婦蘆
笛聲聲吹鷓鴣

雲州山如五朵雲老松積鐵霾青春遂令古雪不肯化萬
杵千爐煎貢銀

山後天寒不識花家家高曬芍藥芽南客初來未諳俗下馬入門猶索茶

寒風捲蓬沙轉黃駐馬問路路轉長紅衣簇簇入新市指點壚頭稱上方

朔雲蕩蕩愁燭龍土房擁被睡高春披衣上馬過前驛清霜急雪時相逢

瀛洲往歲待宸居一度還家一度疎近行開平十二驛眼望南雁傳鄉書

閭闔雲低接紫宮水精涼殿起薰風侍臣一曲無懷操能使八方歌會同

四月二十六日曉霜

遠坡殘月露零零曉壓椒花玉作屏他年若向南州說疑是鄒生逞怪靈

戲題樺皮

褐裳新脫玉層層紅葉朱蕉謝不能擬製小冠韜短髮意行雲水一枝藤

望雲州

望雲州裏松花白金閣山前木葉丹駐馬搖鞭游不到還家寫作畫圖看

次韻薛元卿南還題驛二首

思君月落見參旗碧眼微醺倍陸離北上開平復南去卻如返棹剡溪時

清客集卷十五
碧窗雲冷思萋萋曉揭黃庭眼未迷宜向山陰道中住聽
風聽雨聽猿啼

次韻答陳明復

漢殿高懸五丈旗羽人朝奏佩江離綠章已徹蒲團坐正
是金門月上時

碧雲淡處草萋萋誰道桃源路已迷昨夜紫霄峯頂坐天
雞子夜獨先啼

再次韻

行殿風高十二旗碧雲淡處紫流離相如獻賦誰能繼有
客瀛洲獨立時

烟籠沙磧凍雲萋錦簇椒花五色迷不是朝天騎馬倦寒

雞自怯曉鐘啼

次韻李伯宗學士途中述懷

山巍磧瘦馬逶遲盡日雲陰變四時曉度桑乾雪新作倚
松參坐鬪題詩

李陵臺下日遲遲惆悵河梁執別時漢武不知歌四牡十
年競作五言詩

縈紆馳道屬車遲白髮微臣際盛時侍獵能追上林賦登
臺願繼柏梁詩

紫禁天低夏日遲淡紅芍藥勝春時共仰雲孫李學士樂
府新填更進詩

內宴初筵舞尉遲榴花未吐艾花時宮詞久矣無王建把

筆爭傳應制詩

鼇峯上冷菊花遲滴滴金明八月時畱取東平老學士烹
羊分韻酒催詩

端午謝吳間間惠酒

客裏端陽景物殊侍晨分釀出偏壺松間尚積千年雪澗
底難尋九節蒲霏玉論陳醫國艾研朱手寫辟兵符侍臣
陡覺蓬萊近簇簇宮花徧藥珠

榆林

白榆天上生北塞傳真種漢皇究邊略盛秋此為重神武
開帝京赤縣官曹擁井邑生聚繁折戟出耕壟考昔所種
榆禾黍日萃萃繁絃雜伎部一一承天寵盛衰諒有時前

山碧雲涌

龍虎臺

羣山朝宸居層臺納靈秀百泉暗東西千嶂明左右

沙磧水多伏先皇雄略淡省方歲巡狩翠華懸中天問俗首耕耨沈

沈貌貅壘濯濯鷹犬藪前行節駝鼓執御各在手侍臣仰

天威長跪四方奏往聞父老言羅拜上萬壽山桃與黍酒

啟齒時一嗅乘雲去無蹤過者必稽首登坡望儲胥紫氣

徹牛斗

居庸關

扈蹕朝上京嚴裝戒脩途首夏天宇肅寒雲慘不舒足弱
跨鞍窘喋喋詢前途縈紆入南口松籟吹笙竽在昔恃險

清容集卷十五
三十七
隘當關守千夫一朝天馬來巖岬成康衢大統叶天運神
武開皇謨信矣經啟功聿超神禹圖

桑乾嶺

茲山西北來旋轉十二雷昔人望鄉處生別何崔嵬我來
坐絕頂雲漢森昭回出日騰金鉦積露流銀臺長空不受
暑雪華散皚皚旣車引繩過屈曲腸九迴微蹤愧三至南
望心低徊長風馬耳迅何當賦歸來

李老谷

層巒積明秀溪崦翠巖園千松受新雨一一流珠璣少憩
倚厓厂清湍激林霏睡醒日亭午隔溪啼秭歸昔有山水
癖黽勉登王畿欣此澗谷幽亭亭白雲飛素心儻自喻出

處諒無違

龍門

蒼厓出雙闕羣山頰首尊陰風起晴雷摩盪晝日昏鍊峽
擁偏仄百川爲之奔疑下有龍湫逞怪蹲天門渾兮出膚
寸頃刻黃流渾側徑出石壁巨浸存遺痕緬昔設天險事
久難窮論征衣襲輕雨神君儼雲根

獨石

亂石各參布茲山以獨稱磅礴太素初星隕遺其形磊落
絕眾附昂昂耿晶瑩此土積陰沍草木無光精疑有華表
人宴坐陳廢興前車何繩繩去馬何騰騰問之了不應油
然白雲升

曉發

蓐食慎王事曉星當前戶跨馬官道行細草泣寒露亂石
鳴琮琤啼鳥守荒樹行行未十里問埃坐當路年衰脛力
拘望遠彌窘步天風捲飛蓬白日互吞吐溪知非世才歸
耕誓先墓

合門嶺

寒沙高岡聚積溜開土門地媼神功奇茲焉奉帝尊先皇
歲巡幸屬車爛華軒令嚴植前茅高下相攀援魚貫別後
殿蟻行定前屯飛丸落千尺瞥裂驚危轅履險溪自持人
情戒居安寒雲蔽出日去去踰前村

赤城

茲山浴曉日牆壁流丹砂昔聞天台峯云受珠宮霞地氣
有南北變化無殊差埴墳登禹書頽壤勞民嗟感彼山上
松黑鍊留槎牙形色有正性染入徒增夸至今溫泉下金
鼎烹靈芽

灤河

近山馬昂髮遠山鳳騰羽百谷奔亂流屈曲長蛇赴維時
雨新過急溜槽牀注居人匯爲井千屢集沙步寒光澄玉
膏甘冽過牛乳茲泉成白溝巨浸合沮洳蓮芡充餽糧魚
蝦足租賦塞翁話疇昔陋彼成險固往事不復論云云日
東去

次韻虞伯生墨竹畫壁

墨雲參差平地湧碧窗浙瀝寒風生截爲崆峒白玉管螿
龍夜嘯幽凰鳴六月雪花飄上京崢嶸直與星斗平出門
忽作江海興推枕先聞金石聲

楊花曲

上都楊柳瘦且堅葉葉不展圓如錢年年飛花作端午遠
客乍見心茫然上都飄雪不知數此花與雪相旋舞黃鸝
聲絕孤雁鳴萬騎千車互來去手攀短條心欲絕宛轉成
毬恨初結寒風飛蓬捲車輪點點相亞隨明滅南鄰蕩子
衣夜單曉望出日如黃綿辛勤掇拾不敢棄願刮龜毛同
作麈

伯宗學士悉和鄙作唐律敘謝

峩冠疎髮老詞臣筆底花飛點點春千里關山勞夢寐百
年泉石換精神蕪城賦罷生新恨夔府詩成歎絕塵更有
御園紅芍藥生香一曲柘枝新

四月廿一日與繼學同出健德門而伯庸以是日
入都城作詩寄之

二子出北門一客南門來燕鴻兩相避矯首氣崔嵬客有
百和香我有蒲萄杯把杯客不見我心爲之灰願畱百和
香以待二子回

乞酒潘景梁學士

長夏蕭齋學晝眠鼇峯淡處酒如泉山瓢從此通來往準
擬宮袍不上船

次韻繼學

急電散晴雪仲夏天氣清閉戶北窗坐稍稍新月生客至
設棊局言忘遺世情盡日無王事白雲與蒼平

重午聯句

夏峯表奇雪天京候端陽寒襲宮羅輕瑞登水鏡光烏輪
麗北陸龍舟競南湘蠅虎逞王國蜥蜴嚴帝房事訛汗習
陋風烈墟壤剛擁貂繫絲絲飛鞭賭瓊漿帶重公莫舞簪
飄艾如張雁分列瑤席魚貫登紫廊白乳謝角黍青蒲截
鶯肪重離天門正習坎地軸方靈符瑩丹砂羽箭穿白楊
戀闕葵日傾懷家麥秋涼羹臬傳太官懸虎步天罡鳴噤
百王斂螽動九子昌截薛翠屏偃浩漕白海長扇藏婕妤

泣標聳飛廉忸紅苞當階藥碧縷雕盤香宮花金抹額殿
仗玉鏤錫鈴催寶貼進拍奏霓裳揚舉鼎凝脂膏載車實
餽餽蒲萄激濫瀉琵琶宛轉傷蟾蜍 未乖驢驢裘難藏
伏日奩果貢薰風鑑冰洋瀛洲畏獨往玉署思同翔

裝馬曲

絲絲絡頭百寶裝猩血入纓火齊光錫鈴交驅八風轉東
西夾翼雙龍岡伏日翠裘不知重珠帽齊肩顛金鳳絳闕
蔥隴旭日初逐電迴飈斗光動寶刀羽箭鳴玲瓏雁翅卻
立朝重瞳沈沈椽殿雲五色法曲初奏歌薰風酹官庭前
列千斛萬囊蒲萄凝紫玉駝峯煞掌翠釜珍碧實冰盤行
陸續須臾玉卮黃帕覆寶訓傳宣爭頰首黑河夜渡辛苦

清容集卷十五
多畫戟雕閣總動舊龍媒嘶風日將暮宛轉琵琶前起舞
鳴鞭靜蹕宮門閉長跪齊聲呼萬歲

嘉禾圖

土膏滲陽春連畛垂黃雲仁聲九垓被地瑞昭人文穰穰
大同郡嘉穗表奇芬擢莖秀雙岐駢首誓不分稔聯珠琲
光苞簇綬受紋老農善視之神化非耕耘維皇調玉燭歲
功合氤氳帝力畎畝深擊壤歌放勛圖成上金匱寶軸森
香芸侍臣丹筆工秉心述前聞願旅天子命補亾追典墳
蘇武牧羊抱雛圖
寒氈齧盡節旄稀野曠風低短草肥忽見嬋娟新月上卻
疑身似夢中歸

李仲賓墨竹圖

筆底元雲冰雪姿瀛洲玉佩映參差如何昔日閭中令晚
歲羞稱老畫師

開元恩長老以詩送北禪講師游上京末章見及
見余于灤陽次韻

乘槎親見玉繩流底用蒲萄與海榴紫塞接天星戴斗白
雲垂地水浮漚蠅頭可但窮三藏塵尾懸知又九州問訊
開元老禪伯詩瓢今向太湖浮

王澹游墨竹

陰陰密葉鐵鈎鎖淡淡疎柯水玉簪客向流離渾老盡臨
風題筆望江南

次韻繼學竹枝宛轉詞

長年久客學吳儂應對嫦娥認妾容聞道秋來三十日雪花飄處似淡冬

聞郎腰痠寄當歸望盡天邊破鏡飛昨夜燈花圓似粟倚門不可送郎衣

宮羅疊雪撚金龍郎去香奩手自封還家貂裘綿百結教妾今年兩度縫

年年河鼓度天津郎在灤陽見得真今夕定知郎到日桂華浮魄滿香輪約八月十五日抵京

陳景仁都事以詩惠酒次韻
閉門擁膝絕知聞壞壁行蝸古篆文誰遣白衣傳剝啄新

詩如雪酒如雲

短髮藤冠似晉賢瀛洲獨坐思如泉明知白眼輕餘子客至題詩視屋椽

贈翰林何生

殘月疎星送曉鐘伊吾聲徹爛雙瞳盛年事業須黃卷盡日交游謝碧筒案上蟾蜍承夜露門前叱撥立秋風君家居士多陰德佇看雞翹列殿中

嗣天師墨戲四絕

橫塘野色淡聳身對秋水守獨匪自夸感彼蜻蛉子枯蓮孤鴛鴦守雌氣之母見一道之宗配合貴有得丹光結芙蓉鴛鴦二禽詎無知秋聲起天外蘆枝為我旌蓮葉為我蓋蘆荷水禽

萬籟日惻惻水花澹無蹤孤鴻招不來泛泛以自容

蘆荷孤鳧

果老圖

御氣如嬰兒變化能成形再過趙州橋滅跡絕怪靈

清容居士集卷第十五

清容居士集卷第十六

元 袁 桷 撰

開平第四集 壬戌

至治二年三月甲戌改除翰林直學士四月乙丑出
 健德門買小車臥行八日至開平舍于崇真宮有旨
 道士免扈從宮中闕無人聲車駕五月中旬始至書
 詔簡絕僅為祝文十三道已入內制悲愉感發一寓於詩
 而同院亦寡倡和率意為題得一百篇閏五月上幸
 五臺山以實錄未畢趣史院官屬咸還京是月丁巳
 發癸亥還寓舍五月灤陽大寒閏月道中大暑觀是
 詩者亦足知夫馳驅之為勞隱逸之為可慕也六月

清容集卷十六
丁卯朔梅敘

端午日繇車中抵開平客中三度端陽愴然有懷
居庸昔日逢端午子規聲聲勸歸去舊歲灤陽萬壽宮九
節菖蒲泛瓊醕今年車中飽掀簸盲風北來雨如注沙坡
馬鬣高下迎土屋魚鱗先後附舊家松篁百尋碧蒼荀花
前石榴樹停車俛首不得語鄰牆簫聲雜駝鼓勞生得意
同蝸牛奮臂卻行等蠅虎

崇真宮闕無一人經宗師丹房惟蒲苗楊柳感舊
有作

雙斛青蒲苗中庭綠楊枝門鎖碧窗寂徘徊心不怡辛勤
四十載逢辰構崇基寒日淡無華朔風助之悲想此鸞鶴
侶長嘯悟成虧往昔玉局翁言罷白雲隨懷賢感夙昔悼
念成涕洟夜夢忽邂逅掀髯歌紫芝

閒閒真人未至
崇真觀裏獨徘徊門鎖蛛絲燕子猜元度來遲愁欲絕爲
憑白鶴寄書催

舊歲端陽與王吏部同客灤陽因成七言奉寄
舊年同飲端陽酒擊鉢聯詩日未斜我戴夫須重出塞君
飄躒躑獨畱家雪花帶雨催前馬草色連空趁後車萬里
功名頭竟白張騫何事苦乘槎

寓舍元卿舊住今歸龍虎山書壁言懷

明珩出海見奇姿價壓連城賈客知往歲曾爲大鵬賦今

清容集卷十一
秋且作小山詞黑頭好景傳杯樂白眼長年按劍疑君去
我來同此榻雁回何處寫相思

五月八日雨霰

黑雲轉飛蓋晴空落珠丸急響遞疎密跳跟杳無端仰視
烏輪光粲粲不可干陰晴界南北咫尺分寒暄鮫人有暗
淚乘陽湧冰瀾又疑天女下百琲隨輕紈采之不滿把瞬
息何彌漫東牆古楊枝含思碧雲寒畱取宛轉花伏日爲
君看

開平昔賢有詩片雲三尺雪一日四時天曲盡其

景遂用其語爲十詩

茫茫廣莫區屈曲層城建昔云水雲陂伐木嚴築鍵寒沙

雜軟草其下有冰片雙龍赴魏闕雲氣時隱見巍峩中天
居百里見行殿

唐皇極睿算憂邊罷從軍種松八百里擘畫疆理分立象
有定數後王策奇勳千車昂頭來萬竈生墨雲天險尙莫
恃人謀安足云

曉日出東門寒光靜相涵黑雲何方來玉妃爲之驟頃刻
變昏晝陰晴常日三宸居逼象緯熒煌斗司南世儒窘六
合鄒子成虛談

羲和當中街重裘慘顏色詢彼住冬人封戶雪踰尺松煙
暗疎箔羅坐圍丈席南鄰時相通北門恍未識冰天與火
井受地各有職

近山如雕鞍遠山如削鐵涓涓落黃流嗚咽恨未雪坡陀
下前坂颯爽萬境滅馬嘶不可行沙寒草如菑氈廬峙前
岡一一望初月

鴛鴦帖雲飛下懼鷹眼疾空墟無鴉棲壞穴見鼠出楊枝
尙斂色吐絮朝伏日羌巴雜蠻獠異服狀非一風土諒不
同刪述在史筆

煌煌千賈區奇貨耀出日方言互欺詆粉澤變初質開張
通茗酪談笑合膠漆憶昔關市寬崇墉積如銓梯航際窮
髮均輸乃疎術

城南水沮洳飲之不盈匕遠汲沙水甘客云汝縱恣客竟
遭河魚投以百金劑簞瓢乃真聖節情果爲累狙公解朝

暮不復計三四

亭亭芍藥枝朱明勝春時金蓮與墨菊兄弟相等推陽豔
淡摧藏後秀真奇姿盛時匪自棄願與松柏期有客同爾
心臨風結長思
皎皎三伏日沈沈九秋天雷鳴過牀下月出在樹顛手持
五采筆直侍虛皇前大以書龜圖小以傳瑤編論言廣聖
澤載歌千萬年

南望

急霰輕雷五月天觥船手把趣裝綿燕山南望十三驛紅
杏枝頭別有天

天鵝曲

天鵝頸瘦身重肥夜宿官蕩羣成圍蘆根噍噍水蒲滑翅
足蹙曳難輕飛參差旋地數百尺宛轉培風借雙翩翩身
入雲高帖天下陋蓬蒿去無跡五坊手擎海東青側眼光
透瑤臺層解條脫帽窮碧落以掌疾搥東西傾離披交旋
百尋袞蒼鷹助擊隨勢遠初如風輪舞長竿末若銀毬下
平坂蓬頭喘息來獻官天顏一笑催傳餐不如家雞柵中
生死守免使羽林春秋水邊走

李老峪山水淡類先公墓田左右悠然白雲之思
積翠發層巒恍然家山圖陰竇水屈曲古樹雲扶疎是時
月新出歸雁飛躊躇疑我久離鄉問我今何如云昔所種
松靈籟吹笙竽總角守庭訓六籍師鴻儒幸以鉛槧勤三

入承明廬風景果有似舉目諒不殊信美非我土誓言敢

終渝

偶成

午雷嬰兒聲晚月大士面頃刻備四時陰晴足千變空齋
襲重裘塵壁委團扇昔爲居養移今愧筋骸倦

鼇峯石

劫風吹沫孕玲瓏度海鞭霆駕六龍聲合八音驚俗耳重
均九鼎動天容空庭露冷珠璣綻阿閣雲開錦繡封匝匝
金蓮隨地擁似催夜直佩琤琮

石下皆金蓮花

子規詞三首

不如歸去君家南山松萬樹我欲送君歸憐汝歲上灤陽

路

去不如歸江南春淡筍蕨肥筍蕨肥子苦飢見子手持一
片冰下馬坐看白雲飛

歸去不如我是蜀王魄化聲呱呱君不歸請看錢塘雪浪
千尺帆踏歌起舞去復還

盧彥威與余同為待制下世已八年覩行院題名

舊跡感愴寫情

長髯黑髮佩鳴珂嗜飲常持金叵羅詩豔欲追長吉製詞

新淡愛小蠻歌鳳池聊戀情偏重鸞鏡重粧病已魔再醮

一日即題壁淒涼悲二妙元公近亦葬山阿

元復初學士舊歲同官集賢會手上都改除翰林

學士見其飲酒數十觥倍常時今年以疾卒不起

覩行院題壁為四韻以挽

慷慨論交二十年淡慙經術荷推先龜趺林立毛錐禿麟

筆星垂汗簡傳直以曠懷招側目可於凡品說齊肩舊聞

蘇李曾生別行院重來倍泣然

潘景梁學士同在集賢朝夕與余論宏詞源委後

俱罷去新政肇更皆得復入舊歲同會上都景梁

還都不一月下世僕忝入翰林過視草堂有感

鑿坡清切平生志粉省烏臺謝不能嘗除尚書行臺侍御皆不樂意在承旨

夜別蘭燈書葉亂凍呵鐵硯墨花凝蟻穿九曲誰傳授蝸

化枯枝果變騰欲說元機吾豈敢碧天雲黯喚難應

客舍書事八首

客景真愁絕淒涼倍舊年草穿沙背縮雲住屋頭偏竈冷
廚煙溼窗低簷雷懸畏寒難出戶盡日得高眠
日永空庭淨清齋罷煮茶無羊誰閱市有客共思家巷近
逢歸馬門閒數過車衰年行六十那得老風沙
愁極吟肩聳塵淡望眼迷屋隨冰上下山趁雪高低乾酪
瓶爭挈生鹽斗可提日斜看不足蹋舞共扶攜

蟾影穿窗蠶龍光拂席流淒清三伏暑浙瀝九天秋水惡
停泥井冰堅宿瓦溝年年游上國那識望鄉愁
問俗過閭里淒涼說住冬凍瓶粘在手暖扇縛當胷雪急
籬條響風高楫桡鬆寒更傳警夜飛騎急憧憧

禁堞防危石官衢漾淺沙犬能撥兔窟馬解避馳車童剪
青蔬甲僧分墨菊芽飄零堪慰藉小雨墊烏紗
宿霧成疎雨寒蓬捲細塵雲飛疑到地草長不知春香几
蜂喧密寒房燕語真白頭關塞外猶作未歸人
燈影微微焰鍾聲隱隱清歸鴻天際度去騎月邊行久客
心無着微醺夢易成攬衣中夜起北斗正南橫

視草堂四詠

視草堂前月淒清十倍秋銀河斜處響玉斧暗中脩隱約
娑羅見微茫顧菟流霓裳端可補願入廣寒游
視草堂前雪飛花具四時老疑潘鬢重舞覺沈腰羸妙合
絲綸巧功調鼎鼎奇虛皇瞻咫尺願賦玉京詩

視草堂前雨飛空萬象新隨龍下膏澤滌穎布陽春霖霖
能生物霑濡不受塵巫山空有賦難作楚王臣

視草堂前日傳宣趣制詞藁裁初刻上朝罷八磚移烏御
行黃道龍光映玉墀薰風生殿閣小立獨多時

華嚴寺

寶構熒煌接帝青行營列峙火晶熒運斤巧鬪攢千柱相
杵歌長築萬釘殿基水泉湧沸以木釘萬枚築之其費鉅萬雲擁殿心團寶蓋
風翻簷角響金鈴喻知帝力超前古側布端能動地靈

贈華嚴長老二首

四年上國扈金輿燕處高齋得起予篋寶寸珠光不老爐
存片雪色相如抱琴有意傳流水擊拂無言指太虛二十

里松親見得塔中古佛白毫舒

華嚴洞下宗常游四明太白禮宏智塔宏智相傳古

佛再世

丈室蕭蕭晝掩扉蒲團不下得忘機塔前菊本先春種門
外楊花伏日飛句落珠璣禪客誦象嚴金碧梵王威知余
猶是青山伴話盡斜陽指翠微

書邢遵道二父家傳

蜚聲秀采動時賢書帙如山酒似泉已恨人間雙壁化共
誇身後一夔傳藥囊有底陰功滿詩卷相輝盛事全會見
門楣成晚秀瀛洲委佩接羣仙

贈寫真佟生

丹青妍醜世間形碧眼看天畫未成夢覺已傳商相似神

閒能寫趙郎情沙場燕頤愁中樂客舍鳶肩暗裏驚彩筆
閱人頭漸白長因眸子識公卿

贈李道士

高安李道士貨藥繞灤城竹杖常隨手茶甌與解醒住冬
饒活計聽兩話平生欲說前朝事年淡記不成

行路難五首

桑乾嶺上十八盤赫日東出紅團團迴頭平田樹如髮北
去沙石何彌漫青帘高低知客倦勸汝一杯下前坂馬蹄
護鐵聲琮琤帖石朱欄列危棧度嶺林昏泊官驛冰湧虛
泥踰五尺馬行猶知泥淺深重車沒蹀路莫尋

松林巨木官採撿千斧斫根膏液流翠旄離披仆巨壑百
谷震動狐狼愁大車以載牛馬喘歷塹凌澗不能挽車頭
挂紙齊聲呼一步一移日將晚經春踰夏來京都雕梁繡
柱天人居錦茵花磚淺深護歲久不知行路苦

昔聞萬迴僧空中轉足如飛鷹又聞麥八百側徑迴旋去
無跡牙牌校尉夸快行急裝一日來京城人言脛中有肉
燕籥雲躡電那能名古云行路難今作等閒看君不見明
王坐朝疲心思日行天下人不知

金谷園頭土如酥瓊花琪樹凝流蘇文鴛蟄磚藻影動飛
鳳團礎雲光腴紫絲步障三十里百和生香交旖旎美人
羅襪不動塵匝匝金蓮隨步起須臾急騎圍四隅瞬息突
兀生寒蕪綠珠危樓百尺墜行路之難卻成易

滄容集卷十六
九
弊裘蒙茸蘇季子兩足重趼行不已一朝佩印何纍纍列
鼎腥羶夸國士班生遠出玉門關被甲夜度隨黃間飛沙
擊面燕頰失晚望落日思生還書生守株燈火勤終歲不
通南北鄰一朝安車入關內老不能言願求退

賣薪行

老兵縛薪穿市賣雙手如龜布衣壤低頭望日南階行背
負槎牙北風殺大車輪困小車聚我薪不如一抔土黃公
壚前煙霧高揮手相譏不相顧暮歸置薪眠土屋望月清
歌聲斷續丈夫窮達會有時買臣懷章人始奇

視草堂歲久傾圮述懷二首

視草堂前草木青微臣三入鬢星星壤牆雨透蝸生角舊

竈泥淡菌露釘淡恐雨鐘催曉箭獨聽寒殿響風鈴堂堂
諸老冰漸盡病叟應歸種茯苓

昔時壽俊佩蹁躑人物於今似眇然倚馬誰憐才獨步屠
龍端信技無全頽冰伏日金奩重賜果薰風綺席鮮可是
虛皇疏顧問玉堂舊事少人傳

翰林故事莫盛於唐宋聊述舊聞擬宮詞十首

禁鐘初動趣傳宣衣袖薰香到御前漸近宮門扶下馬內
官分引導金蓮

御筆圓封草相麻龍牋香透擁金花儀鸞勅設庭前候賜
酒方終更賜茶

制草塗鴉未敢刪內璫宣引侍龍顏已分筆格金蟾滴更

賜端溪紫硯山

春帖分裁閣分多宮娥爭餽纈綃羅青絲菜併銀盤送幡
勝新題墨旋磨

文思如泉涌墨林屏風院吏不須尋舊時內相諸孫在猶
有當年掃閣金

入院聽宣席未溫賜金已向案頭存

故事入院傳旨畢賜葉金十兩始草制

清晨上馬還家去內出黃麻付閣門

清馥香溫酒玉脂祝文已撰報都知夜來奉旨傳丞相五
朶雲濃押省咨

天孫夜度玉潢清內托銀盤湧化生秋思未多團扇在擬
題宮怨月分明

盤鵬暈錦是冬衣鴿炭初生酒力微聞道邊臣風雪苦口

宣鵬藥布皇威

贊書膳副節樓前筐篚盈庭邸吏傳淡恨葫蘆陶學士受
渠犀玉索金錢

書懷

曉來重續避風簷午着輕羅更上簾可是炎涼隨世態病
多時節要抽添

五月二十日甘雨如注江南呼爲分龍雨

平疇龜拆禱龍君百頃青黃兩界分匝岸已霑三尺雨隔
溪唯見一川雲誰家襍穢涼如水此地祇稠火欲焚共道
神功有南北老農元不廢耕耘

清容集卷十六
五月廿六日大寒二十二韻

地界幽都正風傳委羽來陰機堅積迓空竅起荒埃炎帝
辭施設元神擅展裁氣疑翻溟滓勢欲壓恢台北戶嚴雲
結中街宿霧霾睫流驚炙轂吻咽訝銜枚野曠狐歸穴林
荒雀下臺趁虛人瑟縮走驛吏徘徊舊篋裘頻索殘爐火
易灰當陽紈扇棄薄暮酒尊催牛喘猶瞻月龍藏敢挾雷
曉吟肩峭直午睡髮毳毳絺綌聊增襲簾帷莫浪開鼎溫
延上客竈煬集羣孩烏認南枝宿駝鳴北路回次寥河漢
接慘澹雪霜堆重甲身僵仆銖衣說詭談已知鄒子的更
覺杜生哀澤國朝曦赫畚田溲雨催鴻鈞陶石爍金鑑煮
冰摧舊俗慙卑窘新聞騁博該廣寒今已到姑射不須陪

御天門聽詔

大樂出端門金龍日正暎千官齊跪聽萬姓列行屯親衛
周廬列王徭尺籍存侍臣頭已白宣室願陳論

露立

空庭露立意茫然簇簇飛雲萬馬旋擬變清涼成佛國不
教人喚四時天

喜吳宗師至

飛鶴馭空來春濃洞府開燈光爭夜月磬韻起春雷玉斗
朝雲禮金門就日回的知仙桂種玉斧更浹培

食杏有感

筠籠賜杏得嘗新一一如拳醉臉勻準擬重尋舊門館空

庭繫馬燕飛巡

寄王繼學吏部

青春王吏部東閣久相陪聽雪聯詩送看花竝轡迴如何
千里別不寄一書來拂拭題名記淡知吐鳳才

皇城曲

堂堂瞿曇生王宮幼年夙悟它心通梵書未覩口已誦底
用城闕窮西東淨居老人幻境異故作恐怖生愁容世間
習妄了莫喻要以神化開盲聾歲時相仍作游事皇城集
隊喧憧憧吹螺擊鼓雜部伎千優百戲羣追從寶車瑰奇
耀晴日舞馬裝轡搖玲瓏紅衣飄裾火山聳白傘撐空雲
葉叢王官跪酒頭叩地朱輪獨坐顏酩烘蚩氓聚觀汗揮

雨士女簇坐昏搖風人生有身要有患百歲會盡顏誰童
西方之國道里通至今生老病死與世同

天童山圓上人遠來開平訪華嚴以舊詩求題

三尺枯藤一卷詩五千里外訪相知鄉音未改眉毛在曉
過嶺西聞子規

手揆驪珠顆顆圓清如秋月獨當天舊棲太白寒禁得更
上開平擬過年

題信上人手書

南湖涼觀碧芙蓉屢見臨池曉日初一去天台隔生死重
來應寫梵天書

客舍四詠

孤雲

膚寸出巖遲亭亭大雅姿
何因風共去獨與月相隨
似絮飛無着如山立不移
崑岡有片玉歲晚話淡期

孤燈

寒燄出房微前山尙落暉
酒醒光耿耿鍾定影依依
蜨夢疑方化螢流竟不飛
廿年長作客獨照合元機

孤雁

舊日江湖伴多因塞北分身單
追暮兩翼冷帖秋雲何向
蘆邊宿還應枕上聞沙洲
贈繳滿不是故離羣

孤鶴

絕頂看秋月星沈萬象奇
難隨黃鶴侶獨與白雲期
野性

便金洞清聲徹玉墀
山中王子過時一聽參差

次韻圓上人

大荒沙漠境全真平楚天
低絕見聞此處無愁誰會得
琵琶一曲問昭君

我家鄞水望江神
君住鄞山半嶺雲
同向天涯作行客
定知猿鶴有移文

萬解千言任所之一花五葉總牟尼
九龍峯鎖難分別會見芙蓉長玉池

次韻華嚴賀李彥方除監察御史

秀采寒光敵楚金
詞鋒能繼九州箴
鳳池舊直驚人海
烏府新除表士林
氈紹家聲真素業
簡膳民瘼是丹心
華嚴

蓮社相期遠應許遺民得共尋

彭法師禱雨有感

神京歲歲春夏交乾風捲塵喧四郊銀潢清寒不可挽火
礫燥露焚鳥巢廟堂憂惶走羣望桂酒跪瀝陳牲殺飛雲
虛無恣強魃古澗偃蹇專幽蛟拾蜴旋舞破甕缶髣龍作
形糜藁茭或夸巫言擊長劍或騁梵語鳴銅鏡老彭之孫
赤松派尸坐直欲鴻濛包淡知天水本一炁山澤妙感窮
羲爻三元上章給鳳札九淵投簡驚蛟綃大青小青各受
令旋轉急注撥巖坳初疑飛繒蔽雲頂恍若銀竹穿林梢
鳥衝沈冥舊栖失虎度泥淖前林咆迺知至道在瓦礫
刃不缺須良庖皇皇真宰燭萬類神運溥博民同胞前驅

招搖後元武朱冠鐵騎森旄旛精誠相通顏咫尺聾瞽未
識徒譏嘲白頭太史詎妄記願以彩筆窮模描

近爲盧真人作桐柏山賦以舊賢四詠復令賦詩

次韻

雙闕高躔仙境分淡畱絕頂獨耕耘雞啼流水村非遠犬
吠隔溪人始聞翠蔓滿林俱上藥黃雲封戶總回文層霄
笙鶴須臾見不用談空李少君

王子乘鸞八極周參差吹徹此淹畱緱山未信雙輶遠滄
海端如一羽浮碑聳蛟螭擎雨露賦鏗金石閱春秋莫言
劉阮歸無跡政與寒巖二子游

遠瞰神山接海潮羣峯匝匝翠周遭漆書舊字開蒼蘚金

鼎寒光映碧桃瀑濺花香疑過雨風回松吹似驚濤昔年
曾說王靈寶冷笑人間有二毛
雷起平田過雨腥居民猶說老龍靈泉流洞口凝鍾乳月
落松間照茯苓琴罷忽驚人換世丹成淡勸客延齡仙翁
久作朝元客贏得瑤壇滿鶴翎

再次韻

門首穹碑字八分寸田尺宅勸鋤耘雲歸古洞疑無着雷
過前山似不聞磨石旋風空世劫梭溪織水起寒紋年年
秋月層臺上髣髴虛無下帝君

堂堂王子憫宗周不住緱山此地留玉髓定將金篋貯滄
波能使羽觴浮絳桃帶雨飄紅雪翠樹停雲起素秋絕頂

銀盤宮闕爛不須更向紫霄游

夾山松瀑似秋潮老鶴調雛日一遭欲與雙成同勸酒卻
嫌方朔強偷桃草沿碧澗千年藥雪釋瓊城百尺濤聞道

玉蟾三度到通明金骨舊皮毛

玉蟾或云在羅浮未化

久食青精厭世腥無心折草總通靈望雲岸幘招歸鶴滴
露濡毫傳負苓峯頂丹成真九轉洞中棊罷已千齡嗟余
猶是征塗客四上開平數雁翎

上上人游開平回四明

圓帽方袍上上京看山碧眼雪分明南來白雁先秋去我
輩無情合有情

成君輔廣濟堂

車馬填門日不停刀圭上藥已通靈應須重作鐵門限坐見堯民壽百齡

內宴二首

寶勒猩纓雁翅屯錫鑾款款奏南薰珠冠聳翠千行列雉扇交鸞五采分宮漏解畱黃道日御爐能接紫霄雲漢家天子空英武置酒爭功始考文

櫻殿沈沈曉日清靜鞭初徹四無聲桐官玉乳千車送酒正瓊漿萬甕行何以駝峯專北饌不須瑤柱詫南烹先皇雄略畱諸夏擬勝周家宴鎬京

伏日

伏日車中閉炎蒸不自由轉旋疑病酒掀簾似驚舟山色

隨眸轉溪聲着耳流艱難吾敢讓猿鶴故山秋

龍門

君恩八度過龍門眼見蜿蜒守黑雲漠漠沙田荒礫滿空將霖雨一溪分

巨靈何日擘雙門千古英雄底死論落日碎金寒澗裏銷磨猶是僕姑娘

戲題開平四集

開平四集詩百首不是故歌行路難竹簟暑風茅屋下它年擬作畫圖看

奉題開平百首詩後

王士熙

玉海雲生貝闕高騎鯨人去採芝遶灤江一夕秋風到瑟瑟

瑟珊瑚湧翠濤

清容居士集卷第十六

清容居士集卷第十七

元 袁 桷 撰

贊

劉敏叔畫八君子圖贊

五季橫潰萬姓阻傷剗舊布新赫日蕩光變通維時君臣
爾詳丕顯韓王應運斯翔佐帝立極肇服眾國銷兵弛財
邦本茂植獨相十年黎獻安謐弼違雍容不撓厥色百壬
肆妖喬嶽漂搖智淡如谷終止且消金滕天開軒冕以朝
簡在帝心王勳日昭燕尾之眉貫玉之姿炳靈丹青庶或
類之

右韓王

堂堂魏王龍章鳳質天實生之以佐王室射策玉墀慶雲
耀日中外踐更執德惟一西陲繹騷將弛卒驕往綏爾戎
薄陳武韜濯以清泉釋其煎熬入秉國鈞眾味畢調不懾
不渝迄康皇圖取日虞淵登于天衢朝野罔知繫王明謨
危疑之際以身調娛兩宮熙熙萬姓于于桓圭赤舄清廟
配食於饗厥勳千古罔極

右魏王

赫赫潞公不震不動威以服戎寬以濟眾宏淵雅譽磅礴
肆著蚤年登庸具正百度貝盜斯興命公于征振旅霆發
不日以平國財未殫抗議省兵激懦抑貪朝廷清明以德
報怨以爵爲勸強虜效貢卻立改觀名倡九牧進善無倦

四朝師臣邦家之珍委蛇兩河如松如椿燕領淳厖鯨背
輪困何以比之永古蔑聞

右潞公

儒以稽古酌時斯正用非所宜祗益其病在漢懿侯治守
清淨惟爾荆公行修于躬耽精古籍慨想遐風懷寶陸沈
患莫已逢激而翹之以達天聰高配五帝善視七制廷議
籍籍斷以辯毅復古之志與帝俱銳發政累名公是喪朋
晚歸鍾陵憫兮慎兢蹇驢空山悟彼愛憎矯矯貞姿涅而
不緇吾將疇依爲學是師

右荆公

帝宇永清文治斯舉取青媿白眩巧鬪嫵末派橫流獨手

莫禦弊極斯反誰受天祐篤生歐公鴻碩之宗鼓以雷霆
驅以雨風如日之明如川之東肇正古始四方攸同獎善
矻矻英俊滿席彼有未至憂見于色補袞之功其繩則直
以退爲完以佚爲安高風邈如審象以觀

右歐公

任當其誼三禩無畏用不展志好爵斯避允顯溫公爲世
張弛執中秉德享帝活國熙豐紛紜朝有姦慝歸臥洛師
纂緝載籍元祐之初大矢厥謨稂莠旣泯百穀未敷畀成
于天力疾以除佐佑王室公心如日獨樂之園以迂自佚
生無榮養歿有餘泣浹衣幅巾天骨嶙峋中有至道不以
示人唯誠與敬千載如新

右溫公

岷峩之山扶輿網緼誕育至英絕類離羣溢爲江河乘爲
風雲高絕俊穎揆蹟炳文承明邇英紬思運精騁轡以行
華夷是驚蹇蹇匪躬上通帝靈才以貶官謗以長名播遷
徼荒百虐寇攘繕性養神彌介彌剛盤桓南歸百神從行
誰謂巨浸一葦以航瞻彼德容春陽秋霜爛然方瞳如犢
初生切雲峩峩野服蒼蒼往代莫從鑒茲耿光

右蘇公

法法脩水誕宏文明維太史氏穎敏之功由彼岐嶷揚譽
上京服襲瑰璋綜覈文藝剖析幽翳謝鮑前驅屈宋擁篲
元言逍遙夙昔超詣正宗江西斂衽嗣裔廁身著庭正氣

果毅筆者未成削者已繼秉昇濁流孰怨孰尤不怛其化
心君天游精神滿腹瞻望不足烝烝孝友猶在眉目清塵
高風曷其有終

右黃太史

祝道士龍贊

靈砢砢三五一視若存水神立元為光高原粒天門開靈
受秩

墨竹贊二首

墨以韜智元以御柔滄焉雲與脫兮凜秋寥寥天標下為
岩巖執茲混淪函三爾超
乘剛庸升實志勿驚比焉彙亨烝徒繩繩纏者如偃若佩

而組墨卿司元瞻汝于堵

子昂集賢真贊

審中聲以比磬箭之音證陞簡以啟載籍之蘊承明三入
而不居江海一麾而無愠遺世而淡憂盡言而寡尤瓌瑋
萬物金石橫流敷文太微慶雲瑞芝超然巖壑寄於筆翰
者吾猶以為杜德機也

張廣微金書陰符經贊

遐哉古帝握契眇綿沌沌混混超天地先執靜御動茲為
坤乾虛九藏一書圖弢鈴範圍包絡佐理密堅氣母受要
納息以傳泥金著文其曄元元鋒淬穎脫乘雲大園

雲中龍贊

握元機騰八荒愴雲中闇以彰九九合下土光返珠淵終
智藏

龍贊

御乾入坤萬靈嫖姚止水飛立迴旋上朝神后布令蘊蔭
默逃功成返淵重元以韜

又

元雲噓氣爲母騰靈湫匿星斗握以機數九九百穀

有

太上授經圖贊

混元希夷空洞眇綿方圓緯經言孰可宣憫彼世醜述元
五千紫雲升空重席九筵跪坐受聽萬神參前研幾察微

如珠善淵德爲之初道迺自然

辛稼軒畫像贊

妖雛殂江八方沸騰手提模糊仗義南興闖越荆湘是鎮
是繩智名勇功蔑如浮雲讒屢尼之耳若不聞聲裂金石
湛厥心君運有南北孰言一之時有未完矢詞窒之卒全
其歸莫能躡之帶湖維居喬木鬱新目光背甲佩兮振振
審象式瞻宛其不泯

仁廟御書除官贊

於赫仁考御龍中天追琢王度左右惟賢思索俊髦嘉量
達權稽古九官匪曰敘遷嚴嚴秩宗維直且清佐理大政
宰士是程皇畿撫穰具瞻靡輕率彼緇流出納糾繩八柄

馭臣首爵以貴或超或常執管淵思昭哉雲章銖黍奠置
勿私以恩不悅其媚番番老臣卒秉國鈞山立陽明如歲
之春帝賓于天執簡涕淪虹光徹楹萬億日新

至治丞相真贊

以元勳開國之孫佐大明麗天之主肩一德以正人心集
眾思以清庶務玉絜而彌溫山立而有度審象以觀斯爲
太平之宰輔

又

階符耀騰河嶽炳靈寔生上相秉鈞以成儼兮德容衮衣
葱衡山立其威玉絜其清陟降帝所翼翼是承帝曰相賢
佐我治平雲龍從類鼎鉉利貞懋昭顯功象于丹青於赫

寶璽虹光爛明用永厥藏詔爾雲仍

英廟御書開經偈贊

時爲皇太子

日升咸池五采耀騰昭徹水源濁垢斯澄維彼寸穎執一
貫萬鉅纖受形莫測其變驪珠陸離光被寰海允符龍圖
昭示億載

自贊

幼承父師之準繩壯緝文獻之淵懿守先天之中爲初心
究三聖之易爲一致氣弱而詞愈卑學疏而用益疑寥寥
兩京耳受目接者不能紹傳吁何可言

王承旨畫像贊

於赫乾運天造耆武肇敏王公案飭皇度越于江濤率圖

籍以朝秉直在庭不激不雕矢辭瓊瑤風舒霰消益之以
甘雨濯其嘉苗佐理髦思敷繹靜規民甫息瘼勿煩以疵
懿德云云如山出雲有聞無聲爰澤後昆珮玉峩冠審象
是傳之間之美百世弗諼

王叔能真贊

心清而行全守廉而益堅不汲汲於利達專上壑以自完
若是者五采不能以傳至若烟烟方瞳藹然孝悌之實發
于粹容人知其爲臺閣之秀彥蘊經綸而猶未盡其用者
也

自贊

誦文詞而三直承明之廬拙騎射而五游朔漠之域居安

以窮犧爻之變比事以糾麟經之釋至於見幾歸田服恬
淡而守貞白識者謂爲知止而獨慊然猶以爲有形迹也

馬元帥真贊

養恬而智無遺息機而事能應贊黃閣弗居其功坐烏臺
獨守其正制變於劇郡若郢人之斤鎮戎於大藩若秦王
之鏡服芝朮以養年將見安車造朝守規隨而樂清淨也

瑞檜贊

老子之道以恬泊真靜爲根本而其嚴靚清密非窮
極壯偉不足以爲榮觀故所至丹雘土木與浮屠氏
相埒殊庭廣寬候靈旂於致祠之際尤加嚴焉四明
元妙觀構寶殿傲南城之長春法式具備主者呂法

師顧瞻中唐作而曰茲不可不加竦肅手植蒼檜列
若幢節厥土墳剛風潤雨濡膏脈日起旁達蒼鬱連
累相承泰定三年春正月中澣上聳結爲鳳冠觀者
林立考諸釋檜者曰乍檜乍柏一枝而能屢變唯檜
爲然觀是則知釋者之非妄矣或曰厥今聖天子嗣
位厯更上元洋洋乎盛德覆被動植疊瑞重休四方
承畏不敢以獻以告而祝釐儲祉道家者流有所不
得辭讓迺繪爲圖以光天之休爲之贊曰

繫檜在廷三光炳靈膏涵干膚湛其晶熒化爲鳳雛珥冠
儀刑乘風鞭雷上于帝青曰有德者祥茲爲利貞爰祝萬
壽九垓永寧

雷氏龍吟琴贊

爲閔思齊作

四田八日用疑於神攫之也淡養之也淳風生於木莫窮
其聲比物引類錫茲嘉名杳杳變化雲升雨澍戛如銅盤
茲其爲作者之助

吳閒閒真贊

德不形禮爲翼熙熙沖靜之神侃侃孝友之色籠古絡今
其詞知雲佐理以無爲智淵而若存朝承袞龍暮撫松鶴
心徹九九坐石盤礴是所謂養其尺宅守元以生白者耶

仰山熙禪師真贊

蜀僧曇簡以文詞振林下繇是東南學者翕然師之
育王觀禪師才辯繼其學弟子熙公復繼之有詩名

鳴咸淳間試嘉慶圖詩禁中定爲第一余獲見于淨
慈植節刻行言語若冰雪欲以蜀學廣其徒後歸隱
仰山以逝其嗣隆教師祖瑛以遺象從海上請余贊
迺爲贊曰

心之精神繇言以宣匪事琢雕合於自然維師集思泉湧
雲溢億萬森列復貫以一蜀學日淪志士是惜瞻彼肅容
以楷以式

南湖入法師眞贊

目穿書林心超義海體用不違功斯十倍審多岐之匹羊
悟忘筌以得魚追琢其詞不浮不蕪外嚴內熙蕭然野鶴
之姿斯其成祖庭之羽翼絕塵世之樞機

定水源禪師眞贊

持律以攝心習教以騁辯語默兩忘微旨益闡薄飯一盂
福不稱其德至於據席握機颺回電激誠禪林之準式也

雪厓吳法師眞贊

雪厓吳法師飭身制行道流所尊企弟子呂虛夷請
贊

長齋以養年持敬以顛天若雞抱穀如珠守淵望之山林
卽之珪璋知止葆靜合太古之淳龐夫如是逍遙乎白雲
之鄉

箴

存悔箴

天君亭亭巖石永貞執樞維機莫我敢膺鈎聲割名如蠶
如螟微焉髮毛戰兢是承謂善實繇小而過不在大雷以
鼓之良以配之合動而復繇靜斯會昔顏氏子悔實莫可
名筮人司著敢告司局

遵誨堂箴

肅肅祖父誦戒孔昭亶惟矩衡匪矜匪恠式瞻里門養真
簞瓢何裒題岌業肆其夸驕金糜玉毀迄用不紹巷有居
人燕明曾髻右觴左饋以遊以遨何白首高位顧影號咷
伊堂旣淡亦具室奧偃躬徐行慨焉焄蒿戶冊崇崇陟降
以悚於乎後生勿夢夢是從爰繹具訓敢告嗣宗

貞一齋箴

昭哉森著鉅纖受形順天之樞執動以承尸居者誰不震
不隨謂珠藏於淵主靜是師太虛無體曷思曷爲聚爲物
均散爲返真由感以遷若火之燎原在昔夸父逐日走偃
鑿觀河圖繇是成數成復捨之厥數愈具庶物漫漫若冰
斯泮固而斯應迺事之幹絕仁棄智望道彌渙必寂爾心
必完爾神筮人司易敢告靈君

誠求堂箴

肫肫者仁婉婉者孺彼孺不言容動斯具以食爲喜以啼
爲怒感匪物遷孰司昭先黜思絕爲迄全其天揣知者誕
矢激滋遠順陰保陽若執玉以裸太素烟燼至靜無垠見
之猶龍望之如雲猗儒守醫曰曾氏子言邁于京戶冊是

視

銘

復庵銘

弁陽老人周公謹父卜終老之丘於先中丞公墓左
 築室其上揭名曰復庵謂其故人子袁桷曰復反也
 反諸其本也聖人作易之義淡矣余取斯名也厥有
 旨昔太公表東諸侯歸葬於營丘禮以謂不忘其本
 余家故齊人雖南徙吳興而其遺禮三世猶守之自
 余失仕居錢塘非有酣豢之樂而忘其歸不幸而不
 得歸者勢也今老矣苟終無所歸則於復之道奚取
 抑嘗推死生晝夜之理其變無窮反身而觀虛一而

明者物莫能禦則茲丘之樂殆與造物者去來而莫
 窮其所止也子為我暢繹而銘之銘曰

大明麗天隱於崑崙晦冥有時以全其根海氣騰溢為雲
 為澤吐奇滋生復反故壑嗟彼昏氓睢涼涼齒髮日化
 莫知其鄉馳車羊腸倒戈蟻垤少夸老衰運往一跌維子
 周子心君天游顧瞻松柏肇謀菟裘峴迴泉渟虎伏馬立
 鬱為斯丘不龜以吉煌煌先德如珠在淵旣揚其輝終闕
 其妍盤桓斯丘豈不念歸三返晝夜以為德機伊復之道
 其微如苾磅礴一氣變化以彰原本稽中是則是象謹獨
 內觀動靜交養他年逍遙駕風御雲匯為江河炳為星辰
 其來無趾其去孰止為善是嗣貽于孫子

君子齋銘

大裘無華完玉不琢飾美自將其實愈落善不可爲名不可近恕以養仁敬以崇謹謂我獨賢於德彌損八表同雲一決終僨謂世實賢唯盱孔憐肥遯斯恥卻行乃前人我之道弭節兩忘汝不我瑕我不汝望煌煌嘉名揭茲戶冊希賢是求揆蘊觀蹟盤旋九州俯仰千古發矟淬鋒門轍戶履君子之泰君子之和永言銘之以宴以歌

澄心齋銘

大梁劉君彥清佐鄞幕清淨畫一希蓋公之道逾月而治愈簡及暮而人莫能議噫使佐天下由是道也果何病今世汨汨然外治者多矣神明粹精交蔽而

愈失其於內也蓋不暇夫虛明之體絕慮而求者非正或者謂老氏之說近此因屏不復取今劉君以澄心名齋動靜交用有合於聖人之說四明袁桷因銘以廣之

存神內觀形不能以久完刻意外治氣由是而彌衰水煩土敝維物之災人爲物靈其道安在內不可穢外不可悖湛然長存於物何類故操尺寸之智者成尋丈之失勤錙銖之功者獲倍蓰之益御天地之一氣持陰陽之兩端吾見其清而不介絜而自全也

雪房銘

錢塘孫道士構雪爲房居江南度不能久得北如京

清客集卷十一
師將遂焉久之復越居庸以游始固有之迺屬哀梅
銘銘曰

養絜沮洳其變莫渝納明屋漏其神莫究執天之宜允成
德機機可轉不可緩緩則懼懼無以據窮髮之北以儀以
則爰謹視之毋怠毋慝

崇真觀鐘銘

治吉金構坎離爲氣用震以時淡則安安迺旋鎮無極億
萬年

朝陽堂銘

焯彼曜靈光融曲阿翼翼元黃粲其鬱華究觀厥功構精
沈淵若穀斯伏若珠斯潛內陰以藏外遲以進舍施無垠

執斗憲運眾瞻嘉明企而則諸言升于岱昏旦允殊丹流
金騰下土若昧竦心惕思怠曷可悔嗟哉夸父競不救暘
大聖維姬慎茲明發爰興爰處寸測短長少耄勿荒永儀
朝陽

藏書室銘

六學鴻烈代天昭明精思纂微辭以立誠匪事於言不文
奚宣析理日繁直致衍傳謂默足以通絕其知聞敬焉孰
持誠焉孰存趙郡氏蘇崇其書楹剖抉雲章緯經有程靈
根湛虛服習粹精廣以觀萬約以守一迎之莫尋倚兮不
躡仰止元聖學海彌溢

極高明齋銘

謂天穹隆環於九泉謂日陽靈始於虞淵邈焉具瞻荒忽
漫漶銖黍立鈞億萬以正行遠陟遐跬步攸定維先聖彝
訓大賢是證理一分殊等級辨分不博以求孰爲彌綸不
約以觀孰歸其根積小斯高用晦斯明罔有僭差是準是
繩戶冊孔昭爰矢厥銘

九思堂銘

虛中實中圖書之紐實以分殊虛以一受理原於初思曷
爲九於赫元聖分言爲中上由體生下應景從維李氏子
受訓倥侗戶冊孔昭執玉靡墜數窮於元陰陽以類則皇
極之言罔有偏陂

淵靜齋銘

爲蒙道
士作

猗鉤盤審鯢桓蜀叟蒙拱以觀惔無極視晏溫默雷聲守
絲絲珠在宮百神環時旣至乘風搏

清容居士集卷第十七

滿江紅 五宮百餘 燕和 對至 乘風 轉
 何處 漁舟 點 漁 叟 業 對 以 歸 劍 無 避 旆 曼 旆 無 雷 響 登

清容居士集卷第十八

元 袁 桐 撰 誤

記

慶元路鄞縣學記

粵昔授受緒絕空虛固陋之學淪於人心言理者人人殊
 師記問者質而不化詞章篆刻決裂六藝糜爛而不可救
 師儒有憂之據道德性命之要毫分縷析鑿鑿乎其不可
 相紊也絲是士得以一其視聽皇王之道復興於千數百
 年之後可謂盛矣世祖皇帝混同區夏崇學校定國子學
 成憲皆東南儒先而朱文公所說咸取以為經史模楷於
 是窮徼絕域中州萬里之內外悉家有其書然而急近功

者勦取其近似以爲口耳之實天人禮樂損益消長切於
施爲所宜精思而熟攷者一以爲凡近迂緩而不講至於
修身養心或相背戾而不相似則緣飾儼默望之莫有以
窺其浹際夫明絕學以承先聖之統可謂難矣弊生於苟
易守其說而湮其本將不勝其弊載籍極博莫嚴於五經
教人之法莫詳於三物揚子雲云上陵學山而不至于山
惡夫畫也鄞舊有學王文公安石爲宰時延會稽杜先生
醇教之學者輩出至大二年郡大火學燬之主邑之學曰
孔文雋董儒金始建講堂禮殿未及完而去皇慶二年三
衢姚熙載實來是歲天子下科舉詔同知郡事吳郡張侯
某顧瞻陋蕪首曰其何以稱上意迺率郡官而助之邑令

梅君遇春丞簿龐君滋范君祐咸曰吾長於是茲役曷可
道嚴工庀程戒隸業者咸輸以佐閱二年夫子像成侑從
有敘門廡庖庾塗墻繚繞之屬堅密精粲學宮之制完且
具矣姚君迺曰鄞號多士昉杜先生宜作先賢祠以祀鄞
士之興其自今始乎嘗謂學校宮室殿謁循行風俗之使
者未嘗不督厲修繕獨教法未定雖聰明自任猶不敢高
下以議今明詔四出郡侯首勗其原姚君又能推本前人
尊師之旨淡有所寓桷雖官朝廷因姚君之請知張侯之
美遂以學校之弊首敘其說庶幾吾里秀士強敏自修詢
考耆哲篤行於顯微內外之實文質交資上承詳延將以
復乎昔時之盛則姚君之闡微其意淡矣庸刻于石願有

以俟焉

鄧山書院記

粵若古儒先各以方國所尊祭于學社自漢而降定孔子祀餘悉徹廢今百年來始有事于先師其居邑講習治官游衍之地崇闡相望或者病焉夫氣流六虛神而存之聚者易推遠者難窮聲音笑貌之感若將企焉如弗及者理有在也合吳越楚蜀之地咸尊以師惟朱文公世祖皇帝一海寓定胄子學取文公訓註爲學制郡縣益遵守而祀於江南者復得推行大德二年四明趙壽家儒科慨然請于朝曰伊吾祖鄂州善待從文公游今天子興是學願割田別居以祠而名曰鄧山事甫下趙氏卽世七年三山林

德載氏奉命祇事屋毀弗稱旋辟田沒不可問覈故整圮實完實成奠薦齋明陟降儼肅賓老佐祭侯伯合餽又三年俾繫其事于石袁桷曰維我四明薦紳先生辨釋著微實相表裏源同流分塗殊轍一合私而惡異標榜之弊也炳然彝訓理何外焉學以殖身德以敦本斯道立矣執空說以爲證弊不勝舉惟性與道匪言是夸桷懼茲久願相與勉焉林君精敏慎修宜展於世文公之學不墜審由是也大德丁未春後學袁桷記

鄧縣興造記

鄧爲縣延亘三百里環山帶江西爲沃區其民盡地利近東瀟爲湖土廣而俗雜逐島嶼魚鹽之利出沒于海上歲

千百數林藪川澤之隸于鄆者不假于外故號爲劇邑邑復輔城以居尤爲難治縣上事郡署曲直縱舍承指意一不得便輒指撻辱撓關臨相通縣勢始振後凡爲縣者率用是自治而民益困矣大德七年帥府始移鎮控扼水陸眾曰郡有二府縣益不可理八年真定盧廷信氏丞于茲推勤服廉沈斷靜修罪疏于囹訟辭于庭朞月而郡侯尊焉大府任焉它邑之讞咸質以定旁郡之賦悉檄以正顧瞻四周令主簿是謀先時縣燬經始陋庫不足廣迺撤而新鳩材于山負者以競輸役于徒民以不病首于臺門廳堂亭廡凡五十有楹智周而勞簡噦然以淡翼然以容謁者趨者視聽易慮於是耆艾謹然以謠曰伊丞之來吾

民不知吏屬旣荒吾民相忌彼庭開明維丞之平雍雍其堂富民恐傷有亭是休思賢悠悠丞之戾止毋譁以喜後兮今兮維今是似咸謂梅嘗職太史筆削無避溢遂不得讓役始於乙巳之十月越明年月成丞嘗爲行掾中書有吏能令長忻都次爲東平周汝躬氏簿澄江朱申氏也余愛其成紀以示後俾知鄆爲可治大德十年十二月日袁梅記

西洛書院記

河南薛公遵先君子之命建義學于永寧矣龍頭山有故跡焉蒼崖嶄然宋元祐中天台羅適正之大刻其上曰洛書錫禹之地正之安定胡先生門人善水利所至通陂隄

屯田之美按地志永寧併長水縣長水東臨洛川記傳云
洛書所出今龍頭山新立禹祠而薛公仰止亦近得請于
朝爲書院遂更其名曰西洛且俾夫後人知禹洛書之誠
有自粵昔九疇垂象示文夸誣相矜祖緯襲符漢世明經
之士汨於休咎莫窺其真歷千餘年儒先大興闡天人之
祕方圓相通正學以明然同黨之說勝一以爲己是一以
爲傳授數精理湮皇極之建卒無以大通民有恆性君師
作之以修以綏如彼北辰樞紐運行內靜若動莫窮其化
凡厥有生極迺固有性者爲聖復者爲賢作而新之維后
是訓庸保其極則民永以乂保極者民作極者君運而制
諸若丸之在握輪之在御皆聽命於我孰先後焉孰終始

焉四時萬化之理繇是而備謂之攸敘夫豈捨己而隨彼
也昔大禹佐理水土攸平君臣交修抑亦有定制洛爲天
下中碩儒訓傳家有其書慎厚遜讓猶有先王之遺風陞
西洛之堂者當慨然以思謹其執中將見夫作人如新之
驗由鄉而達于邦國勵之翼之示諸于掌皇極之訓其效
可成也薛公名友諒溫密有文今爲翰林直學士推先志
之私淑煥而廣之爲屋凡若干楹又將延師以教後之學
者而屬筆於楹故以昔所聞者著爲之記

建城夫子廟堂記

景城縣東南三十里有故城焉曰建城漢爲中水縣地金
大定中以其地北臨滹沱南薄御河徙縣於今所二水交

流名之曰交河焉皇慶元年保定王君領縣簿事循河故堤水落冬月先期率民以補其缺頽霖雨時至則因其防而巡督之河不橫流政簡民佚觀風省俗聿來于茲望其井屋聯屬誠阜且康於是士林之秀曰劉國芝者老韓昌等言曰建城舊有先聖廟城址日圯而廟莫敢廢在昔許文簡公安仁嘗撤而新之未幾金叵居室燬蕩而獨巋然以存至元戊子國芝之父禎遂易於文簡公之故居以詔于里士弦誦之聲家至而日化矣王君周旋里門念崇而新之於是治書侍御史張侯完以書來曰吾里夫子廟易代有存許劉儒先作新之志子盍廣諸敢以楮幣若干爲里人勸於是下令輯工奠方闡基表植巷道庭宇邃嚴以

丹以塗論講有堂游息有廡明年率其儒生落而祀之迺介刑部員外郎葉蘇君俾志其事粵自塾庠序學之制不明而士無所於學州縣有學率歲時奠祭賢道途謹修其故常於造士乎何有成周之學備四代而畿內爲序十有二爲庠三百左右之塾復不預焉噫先王教學之興何其盛也學必釋菜於先師虞庠爲鄉學有堂有序得行釋菜之禮記禮者之言也釋菜於廟則自魏晉始也遵古之學從今之禮損益之變不亦可乎且鄉校不毀鄭人美之今天子下詔明鄉里選舉之法建城之學者由是而升司徒者將皆敦讓重厚敏者謹其藝能恂恂于于仰止昔賢舉不絕書而王君化民俗之美庶得以傳于後王君以

習國語始爲樞密院從事名某治縣有法類是

封龍山書院重修記

世祖皇帝以盛德深仁正位纂圖越二年始立翰林院眞定李文正公首以碩德耆壽俊召爲翰林學士未幾告老以歸隱于封龍山封龍在恆山之陽公幼侍東平府君受業焉地舊有書院兵革蹂躪公拮据盡力以成之故其居朝廷也食息不怠茲山天子察憫其志俾食致政之祿以終老於是公作新斯文遠近之士咸秀出暨公下世踰二十年其從公而顯者曰史忠武公諸子曰杠曰日杞曰輝廉訪使荆幼紀集賢學士焦養直廉訪僉事張翼宣撫崔某其餘贊成均授鄉里名不能悉數而眞定之學者升

公之堂拜公之像未嘗不肅容以增遠想也皇慶二年其曾孫慎言爲翰林屬仁宗有詔省掾用儒士擢入佐左司院中選都事僉曰李文正公爲翰林肇端其曾孫宜以居未幾拜監察御史而於封龍也惓惓悉如公之志歲久蕪漶不治往至治元年爲司農屬時請于司農符下其道廉訪丹漆木甃悉撤以新御史有言曰繼述志事子孫所謹我先公之爲茲也實將以佐國家之盛願子記之楨曰致太平經濟之道章句佔畢不能以盡也文正公恬於進取率躬以化其鄉耄至而辭祿德之本也導掖其秀民仁之至也其徒卒昌於時孰不曰文正公所作成也今遺書具存在於書院者宜究其委源考三代之所以長秦漢之所

以失反躬以思平治之道如指諸掌將反覆以陳于上李氏世守家法則書院永永代有嘉譽其繕修也益廣於今日矣本末具前記不再書

慶元路醫學記

醫之書作於上古乎後人猶疑焉陰陽氣運之說與易書禮相脗合蟲魚草木之精詳於詩尤近之然其辭義奧古卒莫能通曉非專治者不能也先王知之始爲之師以教之後復立學以長之生人之本繇是備矣至元壬辰濟南陳公祥爲肅政廉訪副使來四明遵詔旨立醫學學成甫十有八年燬焉其地近市狹紊咸病展事鄞縣西有故主簿廳事基及傍近地蕪礫不治於是教授徐君源道等請

于郡遷以廣之迺斥其舊地得財若干以治土木郡侯完顏公首爲之勸推官賀某贊補其役隸于醫籍者胥率錢以輔之逾年而學完殿廡翼成軒闥淡靜會予自京師還里屬記其事余幼嘗聞長老言鄉里多名醫皆修謹退讓呐呐然若不勝衣察脈視色必原於井谷經絡之微眇調製湯液必通乎風土之宜甘辛燥溼內外相爲表裏者悉參取於經傳故其術百不一失懷疑審問求正於勝己無忌悻之謬道同而氣和相遜以禮相處以義而昔時公卿家激厲獎與之道又能使盡其術而無愧噫亦盛矣今皇宇恢廓五方士民參雜乎州里拘而不達將不勝其弊率焉以僥倖懼其澆有所失也徐君世儒醫教授是邦今二

十餘年重靜而不撓昔之所聞徐君澐知之廣天子好生之德諄諄然語之使後之學者誦其書毋執一以自滿虛心遜志復昔時之長厚不幸罹于疾病將得盡其順受無天闕之害則徐君之教不亦闡乎余歸田里尙幸而有見也

白石書院記

釋奠先聖先師定著於祀典而鄉社之所宜祭皆廢不舉宋初肇建四書院釋奠釋菜之禮悉遵令罽若鄭元所言高堂生毛公制氏之徒皆不得專祭僅列於從祀濂洛之說行於是先賢之祠競立首於其鄉復推其居官游歷之地甚者謂其觀風宣化雖其足跡之所不至亦當有祠夫

古不墓祭謂其神專於其居室也又曰不歆非類謂懼其瀆而不正也今郡縣朱文公祠最廣各慕悅胥勸終莫能有病之者繇是空巖海嶼屹然巋立而入仕者借是以爲資厯何先賢祠祀先後盛衰之不同也朱文公之高弟曰黃文肅公天下尊之曰勉齋先生其學以持敬爲先揆微鉤淡以極夫操履之實懼其守之不專則蚤夜以思斂其粹精絕其枝蔓正誼明道見於經濟故其臨川漢陽之政惓惓於征繕獄訟而論者始不敢以儒爲侮守邊議戎眾皆咎時宰用非所宜而公益得以攄其素講事至而不懼政成而不迫是則儒者之效惟先生足以及之先生嘗曰吾於江東之友得三人焉曰李敬子胡伯量蔡元思時廣

信之儒先劉君養浩蓋獲登其門朝夕習益悉以先生之
指授者爲標準寶慶元年入太學舍法成淳祐七年授寧
國府教授後進之士從劉君者無虛日相地於白石山爲
精舍以處學者祥刑使者建安蔡公抗扁之曰白石書院
蔡公之於文肅皆文公之門人從劉君者悉稱爲白石先
生天運合一白石之子安緝其齋廡曰先君之承先師曷
敢墜替誦聲屢武益廣其舊後爲湖廣儒學副提舉以歿
有子曰光復慨然曰大父師友之傳不可以不垂久遠文
公祠遍江南祠文公則文肅道得以尊久遂買田築宮中
爲禮殿書院之制悉備殿北立文公祠以文肅侑食後立
大父祠繇是傳授之旨益信所隸有司上其事于中書省

省允其言始定置山長入選調既成俾梅書始末著于石
章噫文肅文公之忠臣也疑者補之異者同之不以一時
之辨爭而立其黨與見于成書故其匡輔之功若文公之
於程子今之尊文肅者能若是斯得矣光今爲史院編修
官敏達知治體文肅之學是誠有望焉者也

昌國州重修學記

青社韓侯莅是州踰年顧瞻學宮頽圯日至喟然歎曰化
民成俗必自學始爰相厥攸鉤稽負逋治其島租墾其閒
田完整是先泰定元年十月甲子役興用工二千有八百
計緡錢二千有五百匠石日食之費則諸生欣輸以佐於
是殿堂門廡齋庖池徑咸得備具謂梅繇翰苑歸俾記其

事桷嘗聞之先儒以明理爲綱領譏詆漢唐不少假濂洛之說盛行誠敬忠恕毫分縷析一以體用知行槩而申之繇是髻亂之童悉能誦習高視闊步轉相傳授禮樂刑政之具獄訟兵甲之實悉有所不講哆口避席謝非所急言詞之不工則曰吾何以華藻爲哉考覈之不精則曰吾何以援據爲哉吾唯理是先唯一是貫科舉承踵駸駸乎魏晉之清談疆宇之南北不接乎視聽馴致社叵求其授命死事率非昔時言性理之士後之學者寧勿置論而循其故習者哉昌國惟四明海中州士之興起自紹熙始著樓宣獻公袁正獻公楊文元公尙書淡寧王公嘗記其建學論堂之本始揚雄有言曰百川學海而至于海善喻者也

首之以訓詁之精次及夫名物度數之密由小成至于大成非積年不能以至周官鄉三物之教詎止執一而以爲傳道之要殆不可也委流安行由蹇而達訖歸于海學之功也侯名搏字仲舉旣與其學迺復儒役以爲大比之勸學之士子寧不自勵敢執筆以俟是役也州之長某州同知黃棟孫判官張信吏目陳益學正孫恕皆協贊其事泰定二年二月癸卯具官袁桷記

昌國州醫學記

醫之道卽夫人身以備三才其說與易箕疇詩禮相表裏亦大矣哉蓋昔之君師聰明神聖因夫五行以寓于五常之形氣致坎離之用以合其陰陽推其運行以齊夫寒暑

清客集卷十八
考九州風土之宜別溫涼燥溼之高下蟲魚草木纖悉備具非博習廣聞者不能也至於七情既發之偏必求其中以返于正皆吾儒傳心之極論有察於聲氣臭味之眇忽考之於遺書受之於家庭積歲年不能以竟而掌政令者從是稽其醫事以制廩祿是則庸有天闕疵癘之憾也哉南北地氣有大不同而爲之醫者各執己論近者急於好尚而恣縱不能商度十失五六誠可罪也秦漢之主率望海求不死藥藥詎能令不死蓋其空巖絕島磅礴於巨浸之際絕囂塵接雲霧靈根異草得地氣之正方外隱士時採其奇絕精良以療治輒奇中而功倍今所謂海上方皆其苗裔而昔之集方論者復蒐類于蛟龍之窟穴海於天

地間號最鉅焉得以有遺也昌國爲州四履皆海至元二十九年始立三皇祠綿絕不稱韓侯治儒學既竟復莅醫學茲曷以奉揭虔廣其故址而二倍之泰定元年冬十月正殿成復立論堂翼以東西前爲儀門外爲神門廊廡有序祠象儼赫首以圭租勸民胥成不三月咸樂以助復遵詔旨爲惠民藥局工旣畢書來俾書其事于石桷嘗謂疾痛苛癢切於吾身者猶民之身也民困魚鹽侯能紓之儒病徵科侯能復之旣憂其生又懼其罹於疾病使夫習爲醫者講肄以精其術故余歷敘醫家者流其學實難三聖之書昭然具存反覆紬繹皆得以完其生是侯仁政之本愈遠而愈不可忘也

定海縣重修記

定海爲縣自昔號重地鎮遏戍守異於它所南受諸蕃絕域之飄舶東控島夷不庭之邦商賈舟楫噴薄出沒據會濟勝實東南之奇觀也皇元考圖受貢益倍于異代信使香幣渡海歲不絕縣令將迎日疲於供事視公宇若傳舍歲益圯剝至治二年忻都君始莅事曰吾受天子命長邑於是失撫字則奚以仕歲適大歉徵租於民將不勝逋負計歲所入一萬有奇遂覈其實止輸奇于官鹽賦歲不登民益以困卒請而蠲若干嚴飭官驛置隸人以候過客而復其役久而曰吾將治所居以聳民視瞻一撤以新爲楹五十餘瓴甍木石丹漆箭鐵皆堅緻可永久教諭蔣君昭

先列其行事俾爲記余謂治縣莫先於宜民承上意而不鳴其疾苦甚者增羨以求媚善譽乎何有縣當水陸之衝輒默計歲月得解職卽謝去植仆舉弊終其身未能也若是則忻都君之行事汲汲慕古將有以大其所爲夫豈苟計目前之功效者哉余特記其興造使來者有攷蔣君所述多善政不復著推其所爲舉綱以遺目蓋可知矣是役也尹曹敏中主簿薛炳悉力贊治故迄用有成

新建鄞縣尉廳記

郡治絕江其地名甬東吳王居甬句爲古浹口號甬江在今海濱海達于江入於奉化西醜于餘姚縈紆回曲綿亘百餘里鄞爲縣分東西以浮梁爲界東之民習網罟魚鹽

以自業其地膏沃有湖可以灌浸率不善墾治春至輒率其子弟文身權歌出沒於海島伺危薄險對面成姦宄憲令昭著至死有所不避尉以巡督爲職自宋雍熙間置尉治於彼蓋重其地以鎮遏迄今數百年游手益夥捕繫無虛日廨燬于兵踰五十年尉率其兵徒隨所寓無常地訊錄之所不具於觀瞻莫格其非而任益以困矣至治三年廬陵周君一夔來視故址曰吾不可不自重首爲外門復爲廨門中建聽事挾以賓榮輔以吏舍後設燕居以休其勞清流匯池花木列植周繚塗墮皆足以支永久更有言者曰尉職在察盜固圉不立奚尉之爲茲土之民俗弊已久隄禁之嚴莫窮其窟穴朝夕肱發纍纍旁午不有以居

將曷能以有處尉笑曰道德齊禮夫子之訓也獄市無擾相國之言也閱數月獄以空告於是輿人有言曰尉之申申非取異以求新塞其姦悞養其淳真彼疇鱗鱗良苗氤氲尉之去兮將以告夫後之人役始於泰定元年秋八月成於二年之二月郡人具官袁桷記

浙東廉訪司重建澄清堂記

國家肇置肅政廉訪司浙之東以婺女爲總治而行部使者凡六人讞審殿黜循厯于六郡總治之使二人坐鎮于婺六郡歲終必以其成牘歸于總治定其可否以上于御史臺持綜覈之實執與奪之柄厥任實不輕矣夫以輿地之廣貢賦之夥天子不能以自治必假於守令焉守令不

能以公其心又假於耳目焉以重其寄大其居室聳其視
瞻廉遠堂高非直爲觀美也聽事之所繇唐歷宋歲久頽
剝不治至治二年中奉大夫馬公爲使于是邦顧瞻改容
曰茲不可不爲先務邦之耄倪亦曰茲實聽政之本於是
郡請于中書行省計郡餘財以爲匠費崇其堂隍稍北以
構柱斲孔新庭廡遂密名之曰澄清復爲燕居之室于其
後曰迎華觀經始於是年之九月明年五月告成中奉拜
湖廣行省參知政事以去資善大夫思蘭公甫至則曰中
奉公之惠後若是宜紀其事未幾拜南臺中丞資政大夫
岳烈公繼爲使亦曰是誠不可軼於是僉命桷爲之記中
奉資政嘗牧于吾鄉皆得而接識往會中奉公于京師謂

余曰民之多寃繇循行者不盡其辭吾往浙東將使六郡
之苛癢亦切於吾身後聞其所行果有所不避資政公廉
而守正牧民如己子遺愛于四明人能言之中丞公得見
于會通河議論冰雪以刺劾爲己任是則三公之行事深
有合夫至公之論抑又聞之事患有所不明知而不有所
舉籍籍于道塗之民口不可以防也苟明矣不少恕焉則
法舉而德不足以化今使者五人皆遴選在位于以見聖
上振整之初政登斯堂也則相與講習見於施設不繇以
避不苛以求陽煦陰肅吏民率服胥保惠以承于上其治
豈不偉哉夫志同議同任事同七郡之民孰不鼓舞以嘯
詠太平之盛桷舊職太史慕前賢壁記警戒之實因以謏

聞而爲之辭

明遠堂記

澄清堂成紀興繕之本末矣參政馬公奉聖天子明詔巡行江浙復至婺女見其燕居之堂舊曰迎華觀者而更其名曰明遠取其切于觀風之道副使馬公經歷俎君冕復求記於余於是屬筆爲之辭曰今夫七郡之黜劾悉萃於澄清吏抱其牘雁鶩以進卒不敢妄議其可否將求其生欲重其罰情皆不能以得也精思以究必退省焉以品節之事窘於一庭而智足以見萬里古之善馭吏者不泥於法律不事於朱墨故其革姦警饗無言而化成必有其本也在昔聖人明目達聰百僚在官定於三載之考績夫豈

有他哉維東浙負山聯海風俗不一強者雜譖詐柔者率罷軟撫摩之道各有攸處登斯堂也必攝齊肅容悉議其所宜行退于燕居申申天天燭照數計考七郡之幽隱如指諸掌名之曰明遠孰曰不宜今參政公之按行非家至而戶到也是則明遠之旨講之熟矣則凡後之來者益得以省察俾勿壞泰定三年四月丁丑具官袁桷記

新修司獄司記

國朝肇置司獄司專以掌守囚禁職卑而勞猥爲其官常憤憤不得志浮湛坐曹日數歲月希善代謁吏部者每請託求免注繇是視爲傳舍狴犴之不修桎梏之不整所至皆是憲部審決亦有所不暇及簡漏相仍其勢然也永嘉

林君龍澤之來守是官也曰吾不可不自振考其成牘別疑擿姦重者上憲府輕者白郡守多有所變易罪以不寃囚民宜之久之曰獄不可不繕營至大二年獄旣燬支弊植仆僅存其制於是除地撤瓦築堂三楹曰平恕堂後燕室曰種德左右翼軒環以吏廡迺築高門迺闢園土養疾有堂奉神有祠繚以瓦垣浚以甘井取足備具各中繩墨蓋先之以已俸而官若民迺悉爲之助不旬月而告成噫亦難矣昔人言不卑小官於林君見之州縣疑獄郡輒以委林君揣情以求其生量事以正其罪羣吏抱案詣庭下無虛日是則林君之果能令官大也書曰典獄非訖于威惟訖于富若是則寧有私謁者乎余直集賢林君時爲掾

史處事立具今觀其政績顯白足可稱道庸紀歲月是役也興于某年某月成於某年某月泰定三年歲在丙寅郡人具官袁柄記

慈溪縣興造記

泰定二年冬十一月保定孫公楫循行四明至于慈溪觀其縣治壯麗整密咨嗟徘徊詢諸縣人邑長爲誰咸曰此昔烏忠顯之所成也忠顯爲縣首治董孝子祠以化俗次修孔子廟三皇祠曰儒以長民醫以養民又治社壇嚴其齋宿以謹水旱迺曰迎詔禮賓茲不可不虔傳驛休息宜慎其寒煥興繕旣畢始曰吾亦得以廣居于是矣語未終孫公曰是誠可紀載於是命進士翁心傳爲圖俾柄爲之

清容集卷十六
記聽事五楹高其前三楹焉堂曰清清淳化中尹張叔達
墾書之所褒因其名而築之者也挾以吏舍廚湏獄室縣
門鼓樓前後有序縣治之後有小湖湖之中爲洲花竹四
列風蓮水柳暎翳繚繞爲亭以庥其居有四曰思政佐治
以察民隱也曰柳意勝覽以樂其神觀也圖旣畢復言忠
顯之政墾萊輯亾役不病於民去其姦饗以爲政本今其
去十有三年思如一日而其繕營足以支永久於是有驗
噫今之爲縣嘗患夫土豪之控持也其始也利以誘之終
三年更徵需斂散一聽其命戶稅更易拱手莫與之抗甚
者爲之囊橐可哀也已孫公之來茲邑也其亦有所感表
去尹之美亦將以警夫來者余昔在太史觀循吏之實書

以示後忠顯不求名而名自至孫公之爲使者夫豈計目
前以爲黜陟哉始忠顯之滌篆也漫不可考謹視之實柙
歸縣印言於攸司而更正之其精覈率類是則凡今之爲
縣者廣使者之用心以成其政績稱雖老尙當記之泰定
二年歲在乙丑冬十有二月甲午郡人具官袁桷記

定海縣學藏書記

定海爲縣南接蠻島汪洋數千里食息可至厥今號爲重
屯四方語言呻嘍侏離交衢旁午褰衣儒冠見者嘗議考
諸郡乘惟沈端憲一人嗣後接武猶班班可考泰定二年
春某官始來爲令迺曰縣固有學學必聚書冥行空言講
習何補武城弦歌先聖是取進鄉小民首於文辭其必自

聚書始迺與主簿龐君首捐俸資復命教諭汪宗江出學
粟俾儒職樊惟肖胡驥繇杭置經史若干卷又諭學之耆
老曰經以窮理史以究成敗廣聞修辭惟子集是宜是亦
不可缺復得若干卷將刻石列目以示永久謁記於余念
昔在殿廬見令尹之兄在廡下察其儀貌莊肅知非凡近
後果爲進士第一見令尹于國學儀端語溫審其頡頏萃
于一門今茲掌其邑尤以教學爲己任抑嘗聞之聚書非
難寶書爲難校官之不職悉資以奉權貴甚者竊其故籍
挾之以逃其最甚者漫漶散落一不掛眼三者之病比比
皆是今刻于石將杜其漸後之來者寧得不自勉乎

慶元路重修先聖廟記

河南郭侯視郡事之初首定役法郡民日困鹺事旬月按
覈數嘗不登郭侯知其姦利迺言曰病在私商潛轉輸其
所贏餘卒不入公籍民病不可藥也於是罷賈區分四廂
俾總之鱸醢鼓脯各趨其時視計口之授略相等復竦然
曰吾職司學校茲曷可少緩督大小學謹授業斥其僞冒
以其餘粟大修孔子廟於是進郡博士陸晉之學正錄胡
某毛某而言曰漢文翁立學歷唐宋幾二千年猶完緻君
等知其故乎少問曰教在不墜其不廢在繕修迺曰若殿
若儀門風雨剝圯在丹雘先聖崇嚴列祀肅雖在作繪定
章服在禮象又曰講有堂書有樓吾亦曷敢後姑徐徐爲
之吾願俾是邦服習仁義秀又林立遣詣王朝將自茲始

清寧集卷一
九
桷絲禁署歸里凡三年愛中和樂職之詩首爲詩以詠贊
侯名郁字文卿所至官以興學爲本詩曰
茫茫海甸聿仁義邦圭組積榮失其敦厯歲亦云徂夸侈
則降維侯之來靡瘼不知曰維泮宮風化攸基竦其具瞻
象神之儀藻井繪櫺絢兮承式降陟有嚴是奉是翼匪土
木之工職教攸則瞻彼戟門有飛戾止斯翬煌煌五采屬
纏鏘鏗八音粲曰在耳嗟爾後生無媮以誕無逸豫伴奭
遵我侯度以靖以獻奉璋有峩伊侯之願

鄆縣學興造記

延祐元年桷記鄆學之興造矣甫一紀職鄆學者括蒼林
君傳以事狀來言昔之經度踰於舊址廩入不給故其結

構塗墍缺焉未周鄆之尹曰阮君周翰治縣未幾有恪殿
謁首以興繕爲急割俸以勵儒生於是步履有甃繚繞有
墉礮以密石華以堊丹象設有嚴講席齋廬足以稱茲誦
而從祀一百有五悉易以塑合儒先之宜祀者爲祠以庶
少間曰旣完矣盍廣教以振士類立小學師二人而增弟子
員凡五十人泰定三年二月朔告成復命桷記維鄆自
王文公延杜先生以君師爲端本故後之繼承經術淵懿
蹇蹇大節見於史傳者凡數公衣冠日隆微近功利而懷
忠抱德盛於乾道淳熙之際遺言正學傳於今猶未泯周
翰之先公嘗分刺是邦厯眉褒衣諸老森立蓋嘗極尊賢
之禮矣今茲作新亦將有意夫斯道考問德業吾猶以爲

有在也周翰名申之池陽人林君字以道非怠其職以苟
度者於是乎見魯公修宮形於歌頌系以詩曰

肇鄴之峯煌煌金精其江縈紆挾城以行磅礴元化孕茲
羣英其英伊何鬱彼瑚璉不戚施以求是則是憲發其精
志匪石可轉曰尹之來庭誥是遵顧瞻廟廷風墮雨昏土
金丹漆有炳其文宮旣完矣失教謂缺循循子佩自今以
始罔敢越以道氏林葺構揭揭杜先之訓百世服膺有失
其猷將夸誕是興凡升論堂戰兢以承

清容居士集卷第十八

